


পুষ্পমালা।



শ্রীশিবনাথ শাস্ত্রী প্রণীত।

দ্বিতীয় সংস্করণ।

কলিকাতা,

২৩ নং কলেজ ষ্ট্রীট, সাধারণ ব্রাহ্মসমাজ বস্ত্রে,
শ্রীভুবনমোহন ঘোষ দ্বারা মুদ্রিত ও প্রকাশিত।

সন ১২৮৭ সাল।

ভূমিকা।

পুষ্পমালা দ্বিতীয়বার মুদ্রিত হইল। প্রথম বারের অনেক কবিতা এবারে পরিত্যক্ত হইল এবং তৎস্থানে অনেক নূতন কবিতা সন্নিবেশিত হইল। মালা গাঁথিবার সময় লোকে কোন ফুলটির পর কোন ফুলটি বসাইবে তাহা ভাবিয়া থাকে, কিন্তু এমালাতে সে সতর্কতা অবলম্বন করা হয় নাই। যদি পুষ্পগুলির বাস্তবিক সৌরভ থাকে লোকে এ অপরাধ মার্জনা করিবেন, আর যদি সৌরভ না থাকে, মহা যত্নের সহিত গাঁথিলেও কিছু হইত না।

১২৮৭, }
আশ্বিন। }

সূচী।

বিষয়	পৃষ্ঠা।
গভীর নিশীথে	১
উৎসর্গ	৩
দ্বীপান্তর হইতে প্রতি নিবৃত্ত মাতাল	১১
পাখী	১৯
প্রকৃত সাহস	২৫
চৈতন্যের সন্ধ্যাস	২৮
ফুল	৩৩
মাতৃ-দর্শন	৩৮
পরিত্যক্তা রমণী	৫০
মার্জ্জনা	৫৫
ভৎসনা	৬০
মোহিনী	৬৬
ভীক	৭০
বিদায়	৭৩
বহু দূর নয়	৭৮
হুর্গাবতী	৮৫
শতীর পরাক্রম	৯২
বিধবার হরিণ	৯৭
আসক্তি, বিরক্তি ও ভক্তি	১০৪
ব্রহ্ম বিদ্যা	১১২
চাতক বিদায়	১২৩
উন্মাদিনী	১২২

পুষ্পমালা ।

গভীর নিশীথে ।

কি ঘোর গভীর নিশি । আঁধার-মাগরে
মগ্ন ধরা ৷ চারিদিক্ এমনি স্তম্ভিত,
প্রহরী কুকুর ডাকে, তার সেই রব
সহরের প্রান্ত হতে আর প্রান্তে যায় ।
যেন প্রতিধ্বনি তার, প্রাসাদেরা মিলে
লোফালুফি করে ; একি ভয়ঙ্কর ভাব !
অগাধ জলধি-তলে—শৈবাল-কুহরে
কীটাণু নিবসে যথা,—আমি সেইরূপ
আঁধার-মাগর-গর্ভে—আপন কুটীরে
ডুবে আছি ;—পরিজন সকলে নিদ্রিত !
কি ঘোর নিস্তর দিক্ । নিশার আকাশে,
অদৃশ্য প্রহরী কেহ যেন ঘোর রবে
কুকারিছে—সাঁ সাঁ করে ; বিশ্ব চমকিত ।
কে আমি ?—পড়িয়ে এই জলধির তলে
সভয়ে জিজ্ঞাসা করি—কে আমি রজনী ।

ভূতধাত্রি ! গিরি, নদী, গ্রাম, জনপদ,
 তরুলতা, জীব জন্তু, কোটি কোটি লয়ে
 ফিরিতেছ, আগে শুনি—কে তুমি ? ধরনি !
 এ বিস্তৃত রেণু তুমি !—তবে আমি কোথা ! !
 কল্পনে ! ভাঁরতি ! স্মৃতি !—মোর প্রিয় ধন !
 তোমরা কি ?—করি আমি কার অহঙ্কার !
 আমি কই !—এই বিশ্বে যাই যে মিলায়ে !
 বিশ্বদেব ! তুমি তবে কিরূপ অদ্ভুত !
 কি জানি ! কীটগু হয়ে রেণু-কণা মাঝে
 পড়ে আছি আমি দেব, কি আর বর্ণিব
 তব কথা ! কোটি বিশ্ব, কোটি চক্স তারা,
 কোটি পৃথিবী, কোটি জীব, স্তব্ধ ধীর ভয়ে,
 সেই তুমি ! আমি কীট কি আর বর্ণিব !
 কিবা বুঝি ! একে মূৰ্খ, তাহে অহঙ্কৃত,
 তব তত্ত্ব তদ্বাতীত ! কি আর বর্ণিব !
 বাঁধিয়া বুজির সেতু ভাবি আগুলিব
 অনন্ত স্বরূপ তব, তুমি পদাঘাতে
 ভাঙ্গি সেতু, শতদ্বারে যবে এই হৃদে,
 এনে পড়, ডুবে যাই, বলি—হে অপার !
 অনন্ত কি, তুমি জান ; আমি ক্ষুদ্র কীট
 আমি ক্ষুদ্র কীট প্রভু ! কি তার বুঝিব !
 স্তব্ধ ছাড়ি মূৰ্খ হয়ে সহজ দৃষ্টিতে
 দেখি যবে, দেখি বিশ্বে দেব !—প্রাণ রূপে
 রিরাজিত ; প্রাণরূপী অন্তর বাহিরে !

পুষ্পমালা ।

নাচরে লেখনি ! জাগরে হৃদয় !
আজ শত সূর্য্য প্রাণেতে উদয় !
উরগো ভারতি ! ভাল করে সতি
ভারত সৌভাগ্য করিব প্রকাশ !

(৪)

অন্যদিকে দেখি নবোৎসাহ-ময়
অন্য এক জাতি ; দেখে বোধ হয়
মিলিয়া সকলে কোন শত্রু দলে
আসিতেছে যেন সবে করি জয় ।
সবে বলে “জয় ভারতের জয়”
সুখ সূর্য্য ওই হইল উদয়,
চিনিনা সবারে, নাহি জানি নাম,
কিন্তু দেখে যেন পূর্ণ মনস্কাম ;
দেখিয়া হৃদয় হলো অগ্রিময়,
কে বলে ভারত ভোর দুঃসময় ।

(৫)

ওগো জন্মভূমি পর পদতলে
অনেক লাঞ্ছনা এ প্রাণে সহিলে ।
বহু দিন ধরে মরমেতে মরে,
ছুটি চক্ষু মুদে পড়িয়া রহিলে ।
আর কত কাল আর কত কাল,
রবে বল মাতা ? জ্বালি নেত্র জলে
জিজ্ঞাসি তোমারে ।—ওই ভবিষ্যতে
চক্ষু খুলে দেখ তোমারি জগতে

পুষ্পমালা ।

নব সূর্য্যোদয়, নব শোভাময় !
তোমারি সন্তান গাইছে সকলে ।

(৬)

উঠগো দুৰ্জ্জল শিশুদের মাতা,
ভাবনা কি তোর বিশ-কোটি-স্মৃতা !
বারেক উঠিয়া নয়ন মুছিয়া,
ভূত ভবিষ্যতে, যে সব জনতা
নিজ পুত্র বলে দেখাও সকলে ।
ছুটি রত্ন লয়ে কর্ণিলীয়া মাতা *
করে অহঙ্কার ! তুমি গো জননি !
রত্নগর্তা নিজে, এত রত্ন মণি
সকলি তোমার, তবে অহঙ্কার
কেন না করিবে হয়ে হর্ষযুতা !

(৭)

পারি কি ভুলিতে, ভারত-রুধির
বহি বত কাল রেখেছে শরীর,
পারি কি ভুলিতে, জীবন থাকিতে
প্রিয় জন্ম-ভূমি ! তব অশ্রু নীর ?

* পুরাতন রোম নগরে কারস গ্রাক্স ও টাইবিরিয়স্ গ্রাক্স নামে
হই জন কমতাপালী ব্রাতা ছিলেন । তাঁহাদের জননী নাম কর্ণি-
* নীয়া এক দিন কোন প্রতিবেশিনী তাঁহার বহি মুক্তাবি দেখিতে
চাওয়াতে তিনি পুত্র হটকে নিকটে ডাকিয়া বলেন “এই ছইটাই
আমার বাণিক ।”

ধিক্ সে পায়ত্ত অকাল কুম্মাও
 তব আৰ্ত্তনাদে যে জন বধির ।
 আর মা দরিদ্র ভিখারী-জননি !
 তোমারে উৎসর্গ করিনু লেখনী ।
 ভীকু বাদ্যলির আছে অশ্রুনির,
 তাহাও উৎসর্গ করিনু এখনি !

(৮)

চাইনা সভ্যতা চাষা হয়ে থাকি,
 দেও ধর্মধন প্রাণে পুরে রাখি !
 হায় ! জন্মভূমি ! পুণ্য-ভূমি ভূমি
 দেও পুণ্য বারি দক্ষ প্রাণে মাখি ।
 ভূমি যার তরে খ্যাত এ সংসারে,
 আন সে বিশ্বাস তাই লয়ে থাকি ।
 সভ্যতা সভ্যতা করে লোকে ধায়,
 কই তাতে মুখ, মরীচিকা প্রায়
 প্রতিপদে দূরে ওই যায় সরে,
 তোমার সন্তানে ওই দিল কাঁকি !

(৯)

দেখে অধীনতা ঘোর কাল রাত্রি,
 সব শত্রু মিলে ঝালিয়াছে বাতি ।
 বাহা কিছু ছিল সকলি হরিল,
 পড়িয়া রহিল শুধু তোমার খ্যাতি ।
 সভ্যতার নামে আমি আৰ্য্যধামে
 নর শত্রু বভ, করিছে ডাকাতি ।

পুল্পমালা ।

যাক্ এ সভ্যতা দেও সে বিশ্বাস,
দেও সে নিৰ্ম্মল হৃদয় আকাশ,
দেও সে বৈরাগ্য ভারত-সৌভাগ্য
আমি পুনরায় ধৰ্ম্ম লয়ে মাতি ।

(১০)

ধৰ্ম্মহীন হলো ভারত সন্তান ।
কারে ডেকে বলি ; পশুর সমান
ইন্দ্রিয় সেবায় সবে মগ্ন প্রায় ;
তবে তোর মাতা কই পরিত্রাণ !
শুধু চক্ষু জলে কি হবে ভাসিলে,
তাতে কি রজনী হবে অবসান ?
সুদৃঢ় সংকল্পে আজ প্রতি জন
করুক উৎসর্গ নিজের জীবন,
দেখি দেখি তায়, যায় কি না যায়,
এ ঘোর দুর্দশা রজনী সমান ।

(১১)

যার আছে ভাষা, দিক্ সে রসনা ;
কবি যদি থাকে দিক্ সে কল্পনা ;
শিবরাত্রি মত থাক্ অবিরত
জ্বালায়ে সলিতা বসে যত জনা ।
হবে না কথাতে কেবল লেখাতে
করিতে হইবে কঠোর সাধনা ।
চরিত্রের শোভা চাই দেখিবারে,
ভারত সন্তান তবে বলি তারে,

নতুবা লিখিতে অথবা বলিতে
আমিও ত পারি তাতে কি বল না ।

(১২)

দেখে হাসি পায়, ভারতের জয়
গাইলেন কবি,—নবোৎসাহ ময় ;
না কুরাতে গান পশুর সমান
আবার নরকে নিলেন আশ্রয় ?
ওরে বন্ধ-বাসি ! তোদিগে জিজ্ঞাসি
এরূপে কি হবে ভারতের জয় ?
ছাড় সে কল্লনা, তাহাতে হবে না,
রুখা কেন কর সে সুখ বাসনা !
ইন্দ্রিয়ের দাস, যেবা বার মাস
দেশের উদ্ধার তার কর্ম নয় ।

(১৩)

ওরে, পতিব্রতা বিধবা হইয়ে,
যেক্ষেপেতে থাকে ব্রহ্মচর্য্য লয়ে,
আয় সে প্রকার থাকি শুদ্ধাচার
মৃত-স্বাধীনতা-ধনে উদ্দেশিয়ে ।
যদি দিন আসে তবে রে উল্লাসে
নাচিব গাইব সকলে মিলিয়ে ।
যত দিন নাহি সেই দিন আসে,
থাক অমানিশি ভারত-আকাশে ;
আশার সলিতা রাবণের চিতা
জ্বালায়ে সকলে থাকি রে বসিয়ে ।

(১৪)

তবে মা জননি ! আমি হীন নর,
 তব বিশ কোটি সন্তান ভিতর ।
 কি আছে আমার যার উপহার
 করিব চরণে পুরায়ে অন্তর ।
 পেয়েছি লেখনী লওগো জননি !
 পেয়েছি রসনা, কীণ যার স্বর ।
 লও তুমি তাহা সাধের ডারত !
 ভাষা, চিন্তা, কাজ বহুক নিয়ত
 তোমার চরণে ; পবিত্র জীবনে
 করি তব সেবা, দেখুন ঈশ্বর ।

(১৫)

✓ আমি বড় দুঃখী তাতে দুঃখ নাই,
 পরে সুখী করে সুখী হতে চাই ;
 নিজেত কাঁদিব কিন্তু মুছাইব,
 অপরের আঁখি এই ভিক্ষা চাই ।
 সত্য ।—ধন মান চাহেনা এ প্রাণ
 যদি কাজে আসি তবে বেঁচে যাই ;
 বহুকষ্টে পূর্ণ আমার অন্তর,
 এই আশীর্বাদ করছে ঈশ্বর !
 খাটিতে বাঁচিব খাটিয়া মরিব
 এই বড় আশা, পূর্ণ কর তাই ।

দ্বীপান্তর হইতে প্রতিনিবৃত্ত মাতাল ।



এই ত এলাম দেশে ;—কি করি এখন,
যাই কোথা,—কারে ডেকে করি সন্ধ্যাণ ?
এই সেই কলিকাতা ;—সুখদে নগরি !
বাল্যের সুহৃদ তুমি নমস্কার করি !
এই সেই রাজপুরী ; সেই ভাগীরথী
সাগর উদ্দেশে চলে মৃদুমন্দ-গতি ।
কিন্তু এত পরিবর্ত্ত করেছে সময়,
সেই পুরী বটে কি না, জনমে সংশয় ।
পর্ণের কুটীর যেথা গিয়াছি দেখিয়া,
আজি সেথা সৌধমালা আছে দাঁড়াইয়া ।
উন্নত প্রাসাদ শত দেখেছি যেখানে,
আজি সেথা রাজপথ ; পতিতের স্থানে
আজি দেখি হাসিতেছে কুসুম-কানন ;
যেন সমুদয় পুরী প্রফুল্লবদন !
কিন্তু আমি যাই কোথা ?—সেই গৃহে আর,
হতভাগ্য স্মৃত কারা আছে কি আমার ।
চতুর্দশ বর্ষ পরে, এ পুরী বখন
হেন বিষদৃশ ভার করেছে ধারণ,
তখন দেখিব কিরে প্রেরসী আমার ।
(প্রেরসী বা বলি কেন ? প্রিয়া নামে তার,
সে দিন দিয়াছি কালী জনম মতন,
যে দিন বাকুলী-রসে হয়েছি মগন ।)

তখন দেখিব কিরে কামিনী আমার,
পুত্র দুটি লয়ে সুখে আছে সে প্রকার ।

ভাবিতে ভাবিতে হেন ক্রমে পায় পায়,
আসিল পূর্বের গৃহে ;—আসিয়া তথায়
ধীরে ধীরে করাঘাত করে বহির্দ্বারে ;—
'কে আছে খুলিয়া দ্বার লহ রে আমারে ।'
ঘোর রবে খুলে দ্বার, যুবা একজন,
জিজ্ঞাসিল ;—'কে হে তুমি হেথা কি কারণ ?'
উত্তরিল হতভাগ্য কাতর-হৃদয়ে,
'অভাগী রমণী কেহ দুটি পুত্র লয়ে,
কিছুকাল গত হলো, ছিল এই স্থানে,
কোথায় গিয়াছে তারা আছে কোন্ স্থানে ?'
যুবা বলে ;—'হাঁ হাঁ হলো বহুদিন গত,
এ বাগীতে দুটি শিশু খেলিত নিয়ত,
শুনেছি তাদের পিতা ছিল ছুরাচার ;
মত্ত হয়ে বন্ধু সনে করিয়া প্রহার
কোন এক গণিকারে করিল সংহার,
ছাড়িয়া কলত্র সূত ছাড়ি পরিজন,
সিঁদু-পারে দ্বীপান্তরে গেল সে কারণ ।
তাহার ঋণের দ্বারে বাড়ী বিকাইল,
অপত্য কলত্র তার পথেতে ভাসিল ;
শুনেছি অমুক স্থানে রয়েছে এখন,
অন্বেষণ কর সেখা পানে দরশন ।

বে আজ্ঞা, বলিয়া তারে, বিদায় লইয়া,

অভাগা বিষয় মুখে চলিল কিরিয়া ।
 পায় পায় বার, আর ভাবে মনে মনে,
 ছি ছি আমি কোন্ মুখে বাব সে ভবনে,
 কেননা করিল দণ্ড জনমের তরে,
 চিরদিন থাকিতাম জলধি-উদরে,
 সেই খানে এই তনু হইত পতন,
 হতো না ত এ সংবাদ করিতে শ্রবণ ।
 কি লজ্জা ! ভদ্রের কুলে জনম লইয়া,
 রেখেছি কলত্র স্নাতে ভিখারী করিয়া,
 কিরূপে দেখাব মুখ তাহাদিগে আর,
 ঘরে ফিরে আসা হলো বাতনা আমার ।
 ধিক্কে মদিরে ! তোরে ধিক্ শত বার,
 যার গুণে এ দুর্দশা আজ অভাগার ।
 ভাবিতে ভাবিতে হেন আসিয়া পৌঁছিল ;
 ধীরে ধীরে করাঘাত করিতে লাগিল ।
 দ্বার খুলে জিজ্ঞাসিল রুদ্ধা এক জন,
 কে গো বাছা ! কারে হেথা কর অব্যেবণ ?
 তাকে শ্রীপুত্রের কথা জিজ্ঞাসা করিল,
 শুনিতে শুনিতে রুদ্ধা কাঁদিতে লাগিল ।
 বলিল ;—‘কে তুমি বাবা এতকাল পরে,
 আসিয়া তাদের কথা জিজ্ঞাসা আমারে ?
 মাতাল স্বামীর হাতে পড়ে অভাগিনী,
 রাজার সংসারে থেকে হলো কাদালিনী !
 স্বামী স্বীপাক্ষরে গেলে, ছেলে-ছুদী লয়ে

ছিল বটে হেথা আসি যুত-প্রায় হয়ে ।
 বিধাতা সাধিল বাদ তাহার উপরে,
 অকালে সম্মান ভুলি মিল তার হয়ে ।
 অমুক খোলার ঘরে রহেছে এখন,
 যাও বাবা সেই খানে পাবে দরশন ।
 কাণে বেন বজ্রাঘাত হইল তাহার,
 একেবারে দশদিক্ দেখে অন্ধকার ।
 রুদ্ধা দ্বার দিল কথা বলিয়া তাহারে ।
 দাঁড়াতে না পেরে আর পয়োনালা ধারে
 শোকে অভিভূত হয়ে বসিয়া পড়িল,
 অবিরল জলে মুখ ভাসিতে লাগিল ।
 মনে বলে ;—হে দুরন্ত অনন্ত সাগর !
 সুরম্য নগরী কত, কত নারী নর,
 বাহু প্রসারিয়া তুমি করেছ মংহার,
 কেন এত দয়া মিষ্ট ! উপরে আমার !
 এতকাল ছিনু আমি তোমার উদরে,
 অভাগার পাপ অস্থি গর্ভমাৎ করে,
 কেন কেন রত্নাকর দিলে না নিস্তার,
 তা হলে যে এ যাতনা থাকিত না আর ।
 হার রে ছিলাম যবে জলধি উদরে,
 দেখেছি কত যে বজ্র মস্তক উপরে
 সে অনলে কত তরু গেল দহ হইলে,
 কেন তার এক খণ্ড এ পাপ ক্ষময়ে
 না পড়িল, তা হলে যে হইত নিস্তার,

তাঁ হলে যে এ বাতনা থাকিত না আর ।
 যোগেন, সুরেন, বাপ গেলি রে কোথায়,
 কার কাছে রেখে গেলি অভাগিনী মার ।
 বহুকাল পরে পিতা আসিয়াছে ধরে,
 এস এস ছুই দিকে ঝোল গলা ধরে ।
 লোহাগেতে বাবা বলে আসিতে যখন,
 অপমান করে কৈলে দিতাম তখন,
 তাই কি মনের ছুঃখে গেল পলাইয়া,
 এসে দেখ সেই পিতা এসেছে কিরিয়া ।
 এস আমি পায়ে ধরে মার্জনা চাহিব,
 কাছে এলে অপমান আর না করিব ।
 আর যে আমার নাই কেহ এ সংসারে,
 কোথা কৈলে গেছ বন অভাগী মাতারে ।
 কঁাদিতে কঁাদিতে শেবে উঠিল আবার !
 কাতর-চরণে পুন হর অশ্রুসার ;
 শূন্য শূন্য নেত্রে হেরে পাগলের প্রায় ;
 শব্দ, কেশ, পরিচ্ছন্ন ধূসর খুলার ।
 এদিকে দিবস শেষ ছবু ছবু রবি,
 আঁখি-মুহু-মুহু যেন প্রকৃতির ছবি ।
 অভাগার চক্রে যেন ঘুরিছে সংসার,
 ভেঁ ভেঁ রব কাণে যেন শুনে অসিয়ার ।
 সারা দিন অমাহারে উঠেনা চরণ,—
 প্রতিপদে চলে যেন পড়ে অশ্রুধন ;
 অবশেষে সেই গৃহে আসিয়া পৌঁছিল,

ধীরে ধীরে করাঘাত করিতে লাগিল ।—
 কে আহ্ন মত্তর এস কবাট ঘুচাও,
 দাঁড়াতে পারি না আর দ্বার খুলে দাও,
 দ্বার খোলো দ্বার খোলো কর জল দান,
 তুষায় হৃদয় ফাটে বাহিরায় প্রাণ ।
 অমিয়া চরণ-যুগ হয়েছে কাতর,
 ছুরু ছুরু কাঁপে উরু সর্ব্ব কলেবর ;
 দয়া করে ত্বর করে কবাট ঘুচাও,
 যায় যায় যায় প্রাণ জল বিন্দু দাও ।
 গৃহ হতে দীন স্বরে, কে তুমি বলিয়া,
 একজন বহির্দ্বার খুলিল আসিয়া ।
 দুঃখিত কপাট যেন কাঁদি উদ্ভাটিল,
 বিবর্ণা বিশীর্ণা এক নারী দেখা দিল ।
 যেমন মেঘের পাশে ডোবে শশধর,
 সেরূপ লাবণ্য তার, সহজ সুন্দর,
 মলিনতা মেঘে যেন আছে আচ্ছাদিয়া,
 গলিত মলিন বাস, আহা ! সম্বরিয়া,
 কেমনে বা রাখে লজ্জা বিধুরা কামিনী,
 কাতর নয়নযুগ, দিবস যামিনী,
 বরষিলে অশ্রু ধারা, পাগলিনী প্রায়,
 চারি ধারে রুদ্ধ কেশ উড়িয়া বেড়ায় ।
 অভাগা দেখিল যবে সেই অভাগিনী,
 সেই অভাগিনী তার সরলা কামিনী ।
 আর তারে নিরাসিলে রাখে কোন্ জন,

আর তার শোক সিঁদু কে রোঁধে তখন !
 দুকরে আছাদি মুখ হাহাকার করে,
 উঠিল কাঁদিয়া ; বলে ;—এত সছ করে,
 আছ কিরে এত কাল পামরের তরে ?
 পাপীর দুঃখের ভাগী করিতে তোমায়,
 রেখেছে শমন কিরে আজিও ধরায় ?
 বলিতে বলিতে ক্লদ্ব হইল বচন,
 করিতে লাগিল শুধু ফুলিয়া রোদন ।
 এ ভাব দেখিয়া তার জড়ভাব ধরে,
 রহিল অবলা মুক কণকাল তরে ।
 অবশেষে অনুমানে বুঝিল প্রকার !
 শোকে অভিভূতা হয়ে পারিল না আর
 ভাঙিতে মনের কথা ; ঘোর ভাব ধরি,
 অন্তরে বহিল তার শোকের লহরী ।
 তখনি মূচ্ছিতা হয়ে পড়ে ধরাতলে ।
 না পড়িতে অর্দ্ধ পথে ধরে বাহ বলে,
 অভাগা তুলিল তারে আপন হৃদয়ে,
 বসনে ব্যজন করে ত্রস্ত ব্যস্ত হয়ে ।
 আলু ধালু কেশ-পাশ পড়িল ঝুলিয়া ;
 নয়নের জল তার ক্রমে গও দিয়া,
 ধীরে ধীরে অভাগার হৃদয়ে বহিল ;
 বসন অঞ্চল মরি খসিয়া পড়িল ।
 ডাকিয়া অভাগা তবে বলে কতকণে ;—
 উঠ উঠ শশিমুখি ! ও চারুনয়নে ।

পামরের দিকে প্রিয়ে ! চাও একবার !
 হরেছে ছরস্তু কাল, সকল আমার ;
 অসময়ে অভাগারে করিতে সাস্তুন,
 একা তুমি মাত্র আছ হৃদয়ের ধন !
 বহু দিন পরে প্রিয়ে আসিয়াছি ঘরে,
 উঠ উঠ চারু হাসি মাখি বিশ্বধরে
 জিজ্ঞাস কোথায় ছিনু, ছিনু বা কেমন,
 পুন ইন্দীবর আঁখি কর উন্মীলন ।
 স্বামী হয়ে যে যাতনা দিয়াছি তোমায়
 ভোলো তাহা, আজ ক্ষমা করলো আমায় ।
 কাঁদিবার তরে ফিরে এসেছি আবার,
 উঠ উঠ উভে মিলি কাঁদি একবার ।
 ডাকের উপর ডাক অভাগা ডাকিল,
 তথাপি রমণী তার নীরবে রহিল ।
 উঠিল না ; উঠিবে কি, এত দিন পরে,
 মৃত্যু তারে দুঃখী বলে নিল কোলে করে,
 হরিষে বিষাদ আজ দেখা স্বামী সনে,
 না ফুটিতে ভাষা তার মিলাল বদনে ।
 জীবন প্রদীপ মরি সহসা নিবিল,
 এ সংসার অন্ধকারে অভাগা রহিল ।

পাখী ।

(নির্জন উদ্যানে লিখিত)

(১)

কত ডাক ডাকিবি রে পাখি !

সুখের ভাঙার তোর অক্ষয় কি ? প্রাণেমোর
স্বর-সুধা কত দিবি মাখি ?

ডেকে ডেকে হলে সারা তবু বর্ষ স্বরধারা
কি আনন্দ ! ফুরাল না ডাকি !

তরু কুঞ্জে বসে মনের হরষে
করিতেছ গান জুড়াইল প্রাণ ;
ইচ্ছারে বিহঙ্গ তোর সনে থাকি ।
সংসার যাতনা আরত সহেনা
উড়িয়া পলাই ধন জন রাখি ।

(২)

যাই উড়ে পাখি তোর দেশে !

আনন্দে মিলিয়া সবে গান করি কলরবে ।
দেখে আসি স্বদেশ বিদেশে ।

তোর সনে প্রিয় পাখি ভুধর সাগর দেখি ।
বনে বনে গাইরে উল্লাসে ।

দুঃখে শোকে ভরা এই পাপ ধরা
ইহাতে চরণ দিবনা কখন,
উড়িয়া বেড়াই আকাশে আকাশে ।

যতেক বিহঙ্গে মিলে এক সঙ্গে
সুখের তরঙ্গে যাই সুধু ভেসে ।

(৩)

তব কণ্ঠ সুধার ভাণ্ডার !
ক্ষুদ্র কণ্ঠে পাখী তোর কি আশ্চর্য্য এত জোর
বন পূর্ণ সুস্বরে তোমার !
য়ে বিহঙ্গ আমি নর বুদ্ধি বলে শ্রেষ্ঠতর
এত ভক্তি নয় যে আমার !
তোমার উৎসাহ আনন্দ প্রবাহ !
দেখে ভাবি মনে দিক্ এ জীবনে
নর জন্মে দিক্ দিকরে সংসার !
পাখী ক্ষুদ্র প্রাণী তারে শ্রেষ্ঠ মানি !
স্বদেশে বিদেশে সদানন্দ যার !

(৪)

বল শুনি কি কারণে ডাক !
কাহার সম্ভাষ তরে এমন মোহন স্বরে
বন-কুঞ্জ আনন্দেতে মাখ ?
প্রেমে মুগ্ধ হয়ে কিরে ! প্রেম পাত্রী বিহগীরে
স্বর সুধা দানে তুষ্ট রাখ ?
বল কার তরে এমন সুস্বরে
গাও প্রতি দিন কভু নও ক্ষীণ,
এসে দেখা দেও যেখানেই থাক ।
তবে কি আমার হৃদয়ের ভার,
ধুঁচাবার তরে এই ব্রত রাখ ?

(৫)

নর ভাগ্য ভূমিত বুঝ না !

কি দুঃখেতে তার প্রাণ দিবানিশি থাকে স্নান ।

কুন্দ পাখি ! ভূমিত জান না ।

তুমি যদি হতে নর থাকিত না এ সুন্দর,

যুঝিতে রে গভীর বেদনা !

কারে বলে পাপ কি যে অনুতাপ

কভু কি স্বপনে দেখেছ জীবনে ?

তবে রে বিহঙ্গ ! নরের বাতমা,

মরের ভাবনা নরের লাজনা,

কিরূপেতে তুমি বুঝিবে বল না ?

(৬)

অরে পাখি ! ডাক্ ডাক্ ডাক্ !

কোথা তোর সহচরী ডেকে আন দূরা করি

ছুই কণ্ঠে জ্বোত বহে যাক্ ।

শুনিয়া শুনিয়া বাইরে ভুবিয়া

পাসরি বাতমা ; ভবের লাজনা

কণ কাল তরে দূরে পড়ে থাক্ ।

ওই মধু ধ্বনি কর্ণ পাতি শুনি

যে স্বর শুনিয়া উরুরা অবাক্ ।

(৭)

সত্য পাখি ! বড় হিংসা হয় ;

বড় ইচ্ছা মনে মনে এ ভব গহন বনে

থাকি সদা প্রকৃত্ততাময় ।

কেবল প্রেমের কথা প্রচারি রে যথা তথা
 বিড়ু-প্রেমে ছুড়ারে হৃদয় !
 লোকেয় বিদ্বেষ দারিদ্র্যের ক্লেশ
 ঘাই সম ভুলে, পাখী ছুটি ভুলে
 গাইয়া বেড়াই বিশ্বরাজ্য-ময় ।
 সুখের তোমার হোক্রে আমার
 তোর সম পাখী হোক্রে হৃদয় ।

(৮)

পাখি ! তোর দুদিনের প্রাণ !
 ছুচারি বৎসর তরে থাকিবি রে এ সংসারে ।
 তরু-কুঞ্জে করিবি রে গান ;
 এক দিন হলে ভোর মধুর সুখের তোর ;
 আর পাখী শুনিবে না কাণ !
 কিন্তু রে ! বিহঙ্গ জীবন-তরঙ্গ
 বহু দিন আর রহিবে আমার,
 তবে রে সংগ্রাম হবে অবসান ।
 আঁধার জগতে, আর ভবিষ্যতে
 হতে অগ্রসর চাহেনা যে প্রাণ !

(৯)

পাখি ! তোর নাহি কোন আশা ।
 কোন সাধ নাহি মনে, তাই ত রে বনে বনে
 করিতেছ আনন্দ প্রকাশ ।
 নিরাশা যাতনা ঘোর এ কুহক জনমে তোর
 হলোনাত, তাই রে উন্নতি !

প্রিয় আশা যত কঁসে কঁসে হত,
এক ছুই করে সব গেল সরে,
তাই রে বিহঙ্গ ! বাড়িয়াছে ত্রাস !
আরো কিবা হয় আরো কিবা হয় !
এই ভেবে পাখি ! বাড়িছে হতাশ !

(১০)

শিশু কালে ছিনু তোর মত ।
হেথা যাব সেথা যাব এমন তেমন হব
বলে আশা করিতাম কত ;
কিন্তু কি দুর্বল প্রাণ পাই নাই সে সন্ধান,
প্রতি পদে তাই আশা হত !
বাল্যের স্বপন গিয়াছে এখন,
আর অহঙ্কার নাইরে আমার,
রুঝিয়াছি বেশ মোর মূল্য কত ।
খাটিতে বাঁচিব খাটিয়া মরিব
এই আশা এবে প্রাণেতে উদ্ভিত ।

(১১)

ওরে পাখি ! ডাক্ ডাক্ ডাক্ !
কোথা তোর সহচরী ডেকে আন দ্বরা করি
ছুই কণ্ঠে শ্রোত রহে থাক্ ।
শুনিয়া শুনিয়া বাইরে ডুবিয়া ।
পাসরি যাতনা ; ভবের লাজনা
কণকাল তরে দূরে পড়ে থাক্ ।

ওই মধু ধ্বনি * কর্ণপাতি শুনি,
যে স্বর শুনিয়া তরুরা অবাক্ ।

(১২)

তোর ডাকে জাগে বনবাসী,
সাধ্য যদি থাকে তোর , কণ্ঠে যদি থাকে জোর
ডাক্ তবে সুস্বর প্রকাশি !

উৎসাহে সবল হয়ে ডাক্ গিয়ে লোকালয়ে
উঠ জাগো হে ভারতবাসি !

নির্জ্জন কাননে আপনার মনে
কিহবে ডাকিলে ? কিহবে শুনিলে
একা এই স্বর ?—ইচ্ছা দেশ বাসি
শুনুক সকলে ; ইচ্ছা দলে বলে
উঠুক সরলে নয়ন বিকাশি !

(১৩)

আরো বলি শোন রে বিহঙ্গ !

শুনি কেহ পুরাকালে আপন সঙ্গীত বলে

পেয়েছিল মৃত প্রিয়া সঙ্গ ; *

তোমার মধুর গানে মৃতের অশ্রু প্রাণে

বহে কিরে জীবন-তরঙ্গ ?

তাহা যদি হয় ছাড় লোকালয়,

অতীত আধারে সিন্ধু স্বর-ধারে

* একদা কথিত আছে যে অকিরল নামক এক জন গ্রীক সংগীত-বেত্তা সংগীতের গুণে বনালয় হইতে মৃত পুত্রীকে কিরাইয়া আনিয়া-
ছিলেন ।

পূৰ্ণ পিতৃদেৱ কৰ নিদ্ৰা-ভঙ্গ ;
আন জাগাইয়া পুজিৰে দেখিয়া
হই রে উন্নত পেয়ে সাধু-সঙ্গ ।

(১৪)

অৱে পাখি ! ডাক্ ডাক্ ডাক্
কোথা তোৱ সহচৰী ডেকে আন তুৱা কৰি
ছুই কণ্ঠে স্রোত বহে যাক ।
শুনিয়া শুনিয়া যাইৰে ডুবিয়া,
পানৰি যতনা ; ভৰেৰ লাঞ্ছনা
কৰ্ণ কাল তৰে দূৰে পড়ে থাক্ ।
ওই মধুধ্বনি কৰ্ণপাতি শুনি,
যে স্বৰ শুনিয়া তৰুৱা অৱাক্ ।

প্রকৃত সাহস ।

(১)

দীপ কি উজ্জ্বল ৰূপ শোভা ধৰে,
গভীৰ ৰজনী না ঘেৰিলে তাৰে ?
নব জলধৰে বিজলী বিহৰে ;
শাৱদ আকাশে কেন না প্রকাশে ?
সুনীল নিকষ বিনা স্বৰ্ণ মৰে ।
সেইৰূপ কিৰে মানব জীবন

কভু শোভা পায়, যদি নাহি তায়,
ঘোর অমানিশি একেবারে আসি
গভীর আঁধারে করে বিসর্জন ?
তবে ত পৌরুষ জাগে রে অন্তরে ।

(২)

সুখের শয্যাতে মোহ-নিদ্রাগত,
কে চায় কে চায় থাকিতে নিয়ত !
নারীর রুধিরে জন্ম বলে কি রে
নারীর সমান হব ক্ষীণ-প্রাণ ?
সংসার তর্জনে হব অভিভূত ?
ধিক্ সে জড়তা, ধিক্ সে বাসনা !
বীর দর্পে ভরা, ওই দেখ ধরা,
কি সে দুঃখ, যার হেন গুরু ভার,
ঈশ্বরের নামে যাহা সহিব না ?
যার ভারে শক্তি একেবারে হত ?

(৩)

ষত বার পড়ে উঠে তত বার,
বীর-মস্ত্রে দীক্ষা তবে বলি তার !
নরের নরত্ব পশুত্ব দেবত্ব,
এ সংগ্রাম বিনা নয় দেব কি না
কে আর প্রকাশে ?—রক্ত স্রোতে যার
বাক্যহীন ভাসে, কিছ্র ভবু প্রাণ
কভু স্মার নয়, শুভ ইচ্ছা-ময় !
যার খরতর শরে জর জর,

তাহারি কল্যাণ অন্তরের ধ্যাম
নরদেবদেব এক স্থানে তার !

(৪)

আয় তবে আয় ঘোর মরিদ্রতা !
রুধির-শোষণী পৈতৃক দেবতা !
আয় বজ্রধ্বনি ! আয় কালকণি !
নর শত্রু যারা আয় সবে তোরা,
ঘেরু চারিদিকে করিয়ে জনতা ।
জীবন আকাশ, বিপদ দুর্দিনে
ঘেরিয়া আমার হোক অঙ্ককার ;
সব কষ্ট সয়ে, সব স্থির হয়ে,
কে পায় পৌরুষ দুঃখ কষ্ট বিমে ?
ঘুমায়ে মানুষ কে করেছে কোথা ?

(৫)

তবে মুছি অশ্রু উঠিয়া দাঁড়াই ।
যা হবার হলো এ জনম গেল
বিষম সংগ্রামে তাতে দুঃখ নাই ।
রক্ত-বিন্দু হতে শুনি এ জগতে
শত রক্ত-বীজ জন্মে যে প্রকার !
জীবন সংগ্রামে ভারতের নামে
যত রক্ত-বিন্দু পড়িল এবার,
শত পুত্র হবে বীর অবতার !
ভারত আধার ভারতের দার
ঘুচাইবে তারা ;—ভেবে মরে যাই ।

চৈতন্যের সম্যাস ।

চৈতন্যের জীবন চরিতে দেখা যায় যে নবদ্বীপবাসী জগন্নাথ মিশ্রের দুই পুত্র ছিল। জ্যেষ্ঠের নাম বিশ্বরূপ ও কনিষ্ঠের নাম চৈতন্য। বিশ্বরূপ পূর্বেই সম্যাস গ্রহণ করিয়া সংসার পরিত্যাগ করেন। তদবধি পাছে চৈতন্যও তাঁহার জ্যেষ্ঠের পদবীর অনুসরণ করেন, বলিয়া পুত্র-বৎসলা শচী সর্বদাই উৎকণ্ঠিত থাকিতেন। ইতি-মধ্যে কেশব ভারতী নামে এক জন সম্যাসী গঙ্গাভীরে উপস্থিত হন, চৈতন্য গোপনে তাঁহার নিকট সম্যাস মন্ত্রে দীক্ষিত হইয়া, নবদ্বীপ পরিত্যাগ পূর্বক হরিনাম প্রচারার্থ দেশ ভ্রমণে নির্গত হন। শচী আদর করিয়া চৈতন্যকে নিমাই বলিয়া ডাকিতেন।

(১)

আজ শচী মাতা কেন চমকিলে ?
ঘুমাতে ঘুমাতে উঠিয়া বসিলে ?
লুণ্ঠিত অঞ্চলে নিমু নিমু বলে
দ্বার খুলি মাতা কেন বাহিরিলে ?

(২)

বউমা ! বউমা ঘুমা'ওনা আর !
উঠ অভাগিনি ! দেখ একবার ;
প্রাণের নিমাই বুঝি ঘরে নাই,
বুঝিবা গলাল করি অঙ্ককার !

(৩)

তাই বটে হায় ! বধু একাকিনী
রয়েছে নিদ্রিত সরলা কামিনী ;

শূন্য পড়ি ঘর কোথা প্রাণেশ্বর !
গেছে গেছে করে উঠে বিনোদিনী ।

(৪)

সে কি বল বউ ! ওমা সে কি কথা !
হা মোর নিমাই পলাইল কোথা !
পাগলিনী প্রায়, ঘারে গিয়া হার !
নাম ধরে কত ডাকিলেন মাতা !

(৫)

ডাকেন জননী নিমাই ! নিমাই !
প্রতিধ্বনি বলে নাই নাই নাই ;
ডাকিছেন যত শোক সিদ্ধু তত
উথলিয়া উঠে কোথারে নিমাই !

(৬)

গভীর নিশীথে দূর গ্রামান্তরে,
সেই প্রতিধ্বনি যাই যাই করে ;
ভাবেন জননী আসে গুণমণি
ডাকেন উৎসাহে হরিষ অন্তরে ।

(৭)

নিমাই ! নিমাই ! হা মাতা সরলে !
পাগলিনী হলে সকলেই হলে ;
কাঁদ না জননি ! তব গুণমণি
আঁধারে লুকারে ওই গেল চলে ।

পুষ্পমালা ।

(৮)

ওই গেল চলে পাগলের প্রার ,
জাননা ত মাতা কে তারে লওয়ায় ।
উন্নত আকাশে খধুপ প্রকাশে *
আপনার বেগে সে কি সেথা যায় ?

(৯)

প্রবল আগুণ জ্বলেছে ভিতরে,
আর তারে হেথা কেবা রাখে ধরে ?
তাই মহা বেগে যায় অনুরাগে,
পাপী জগতের পরিভ্রাণ তরে ।

(১০)

ধরেছ জঠরে তাই বলে তারে,
পার কি রাখিতে আপন্ন আগারে ?
যে কাজ সাধিতে আসা অবনীতে
নিলেন ঈশ্বর সে কাজে তাহারে ।

(১১)

নদীয়াতে ছিল তোমার নিমাই,
আজি সে হইল পাপীদের ভাই,
জগতের তরে সে যে প্রাণ ধরে,
বুঝিলে না মাতা কাঁদিতেছ তাই ।

(১২)

শচী মাতা কাঁদে ঘর কেটে যায়,
বিষ্ণু-প্রিয়া ঘরে পুতলীর প্রার,

পুষ্পমালা ।

দাঁড়ায়ে ললনা, বিষণ্ণ-বদনা
বিন্দু বিন্দু অশ্রু পড়িতেছে পায় ।

(১৩)

কেঁদনা লেখনি ! কর রে বর্ণনা,
স্নেহময়ী মার যে ঘোর ষাতনা ।
কাটা ছাগী মত ধড় কড় কত
করিছেন মাতা হারায়ে চেতনা !

(১৪)

বধূ নিজ-মুখ মুছিছে অঞ্চলে,
আর হস্তে ঠেলে মাগো মাগো বলে ;
শোকের সাগরে ছুটি নারী মরে
উঠ প্রতিবাসি ! উঠগো সকলে ।

(১৫)

কেঁদনা লেখনি ! পেওনারে ভয়,
লোকেত বলিবে নিমাই নির্দয়,
তুমি কি জানিবে তুমি কি বুঝিবে
আমিত জানি না কিসে কি যে হয় ।

(১৬)

রজনী পোহাল দিক প্রকাশিল ;
শচীর কন্দন গগণে উঠিল ;
উঠি প্রতিবাসী ঘরা করি আসি
কি হইল বলি ধারেতে ডাকিল ।

(১৭)

ঘরে আসি দেখে সে ঘর অঁধার !
 সে প্রসন্ন মুখ সেথা নাহি আর !
 শিরে কর দিয়ে, পড়িল বসিয়ে
 “হায় কি হইল !” মুখেতে সবার ।

(১৮)

এদিকেতে গোরা নিজ বেগে ধায়,
 কেশব ভারতী আছেন যথায় ।
 হরি-গুণ গান করি পথে যান,
 প্রেমের সাগর উথলিয়া যায় ।

(১৯)

নিশিতে ডাকিলে লোকে ধায় যথা,
 নিজ মনে গোরা চলিয়াছে তথা ;
 পাপীর ক্রন্দন করিছে শ্রবণ
 আর বার ভাবে জননীর কথা ।

(২০)

বলেন সঘনে কোথা দয়াময় !
 রহিল জননী করো যাহা হয় ।
 আমি ঘারে ঘারে ঘুঘিষ তোমারে
 এদেহে জীবন যত কাল রয় ।

(২১)

নির্মল প্রকৃতি সরলা সুবস্তী
 ঘরে আছে জায়া পতিব্রতা সতী ;

তারে দয়া করি, তবে দেখ হরি !
করো করো নাথ ! তাহার সদগতি ।

(২২)

প্রিয় নবদ্বীপ ! প্রিয় ভাগীরথি !
ছেড়ে যাই আমি দেও অনুমতি !
হরি সংকীৰ্তনে তোমা দুই জনে
জুড়ায়েছি আমি যেমন শক্তি ।

(২৩)

প্রিয় হরি নাম, ঘৃষিব বিদেশে,
দ্বারে দ্বারে যাব ভিখারীর বেশে ;
নিজে পায়ে ধরি ভজাইব হরি ;
হরিনামে পাপী ঘুচাইবে ক্লেশে ।

(২৪)

এত বলি গৌরা নদে ছাড়ি যায় ;
নদে পুরী শোকে করে হায় হায় !
কারে কি যে কর, জান হে ঈশ্বর !
দেখে শুনে কবি হত-বুদ্ধি-প্রায় ।

ফুল ।

(নির্জ্বল উদ্যানে লিখিত)

(১)

সুন্দর কুমুম ! এ ঘোর নির্জ্বলে,
ঘন পত্রাবৃত নিজ সিংহাসনে,

নিজ মনে হাস, অনিন্দেতে ভাস ;
 তোমার তুলনা করি কার সমে !
 এমন সুচারু এমন কোমল,
 এমন পবিত্র এমন উজ্জ্বল,
 লাভণ্যে গঠিত, নির্জনে চিত্রিত,
 কি পদার্থ আছে এ পাপ ভুবনে ?

(২)

কোমল প্রফুল্ল বদনে তোমার,
 কি সুন্দর মাখা নিশার নীহার !
 একে ত কোমল, তাতে হিমজল,
 যেন ঢল ঢল লাভণ্যের ভার !
 নিরখি, নিরখি, যেন ডুবে যাই
 ওরে প্রিয় কুল ! তুলনা ত নাই ;
 কি তুলনা দিব, মিছা কি বণিব,
 অতুলন তুমি বলেছে সংসার ।

(৩)

নবীন ঘোবনে নব প্রস্ফুটিত,
 সারল্য, বিনয়, অনন্দে জড়িত,
 নারীর বদন সুন্দর কেমন ! !
 তার সঙ্গে কিরে করিব তুলিত ?
 জগতের শোভা রমণীর মুখ
 তাতেও জীবের হরে শত দুখ,
 সকল ক্ষণে সকল সময়ে
 কিহু হেন ভাব হয় না উদিত !

(৪)

যে রূপ নির্ঝর্নে দূর লোকালয়ে
তরু-পত্রাবৃত কুটীর ছদয়ে,
সতী পতিপ্রাণা, গৃহস্থ ললনা
ধাকে একাকিনী কুলধর্ম লয়ে ।
তার সে সতীত্ব দেব প্রশংসিত,
তুচ্ছ রূপ শোভা যেখানে নিন্দিত,
অসাধুর দৃষ্টি হলাহল রূপি
করে না ; সে আছে তব সম হয়ে ।

(৫)

অথবা সুন্দর শিশু সুকুমার
প্রাতে নিদ্রাভঙ্গে উঠে যে প্রকার,
প্রফুল্ল কোমল মুখে স্নেহজল,
ঠিক যেন এই নিশার নীহার ।
নিষ্কলঙ্ক মুখে নিষ্কলঙ্ক হাসি,
এমনি দেখিতে বড় ভালবাসি ;
তবে প্রিয় কুল । যদিও অতুল
তার সনে করি তুলনা তোমার ।

(৬)

অথবা নির্ঝর্ন পল্লীতে যেমন
লুকাইয়া থাকে সাধু কোন জন,
তাঁর যে চরিত্র উজ্জল পবিত্র,
নিজের প্রকাশিত, জানে না দুবন !

আপন পঞ্জীতে আপনার ঘরে,
 নিজের সৌরভে আমোদিত করে
 সেই অজানিত চরিত্র সহিত
 হও রে তুলিত হেন লয় মন ।

(৭)

কোথা দিনমনি সুদূর গগণে,
 কোথা তুমি ফুল সহস্র যোজনে !
 কিন্তু রে উষার না হতে সঞ্চার,
 ফুটিয়া উঠিলে আনন্দিত মনে ;
 দিবাকরে দেখি হইলে পাগল,
 ঢল ঢল রূপে, আনন্দে বিহ্বল,
 কতই হাসিছ হেলিছ ছলিছ,
 ক্ষুদ্র দৃষ্টি তুলি দিবাকর পানে ।

(৮)

কোথায় অগম্য অপার ঈশ্বর,
 কোথা ক্ষুদ্রজীব হীনমতি নর !
 কিন্তু রে গগণে, দেখে সে তপনে
 হয় প্রাক্কুটিত জীবেরো অন্তর ;
 প্রাণ-পদ্ম ফুটে তারো মস্তিষ্কে মলে ;
 তারো তনু সিক্ত প্রেম-ভক্তি-জলে ;
 এ পাপ ছুবনে সেই জীব মনে
 হওরে তুলিত কুসুম হৃদয় ।

(৯)

তুমি ক্ষুদ্র চক্রে দিবা কর পানে
যে ভাবে চাহিয়া আছ এক মনে,
নিজ ক্ষুদ্র আঁখি, তাঁর চক্রে রাখি
জীবাত্মা মগন থাকে যোগধ্যানে ;
চক্রে চক্রে উঠে প্রেমের লহরী ;
এ পাপ সংসার যায় রে পাশরি ;
সব আশা ফুটে, কি সৌরভ ছুটে
কার সাধ্য তাহা বর্ণিতে বাখানে ।

(১০)

তোমার আদর করে সর্বজনে,
সুসভ্য অসভ্য সকল ভুবনে ;
ব্যাধের যুবতী, সরলা প্রকৃতি,
তোমাতে তুলিয়া, পরম বতনে
গাঁথিয়া কোমল সূচিকণ হার
সোহাগে হৃদয়ে পরে আপনার ;
তুমি প্রিয় ফুল ! কর্ণে হও তুল
সব অলঙ্কার তুমি তার সনে ।

(১১)

সুসভ্য ইংরাজ পাইলে তোমাতে
এখনি সাজাবে, তুলি ধরে ধরে,
কপালিকা-পাশে লইয়া উঠানে
দিয়ে বরাটো। স্বয়ং উপরে ।

বদ্বালা পেলে পরিবে যতনে,
 সুনীল সুন্দর কবরী-বন্ধনে,
 বসাবে পুলকে, দোলাবে অলকে,
 দেখাবে হাসিয়া নিজ প্রাণেশ্বরে !

(১২)

কিস্ত রে কুসুম ! আৰ্য্য-সুতগণে,
 দিয়াছে তোমারে দেবতা-চরণে ।
 ঠিক ব্যবহার সেই রে তোমার
 সেই রে সন্মতি ভাবি মনে মনে !
 এমন পবিত্র এমন কোমল
 দেব পদ ভিন্ন কোথা যাবে বল ?
 তোমার মহিমা মানব জানে না
 তব গুণ-গ্রাহী শুধু দেবগণে ।

মাতৃ-দর্শন ।

এইরূপ কথিত আছে যে যখন চৈতন্য সন্ন্যাস অবলম্বন করিয়া বৃন্দাবন যাত্রা করেন, তখন নিত্যানন্দ কৌশলক্রমে তাঁহাকে শান্তিপু্রে অষ্টৈতাচার্য্যের ভবনে লইয়া যান । সেখানে পুত্রশোকাকুল শচীদেবী তাঁহার সহিত সাক্ষাৎ করিবার জন্য আগমন করেন । নিম্ন লিখিত কবিতাটী সেই ঘটনা অবলম্বন করিয়া লিখিত ।

(১)

ওগো শোন-শচী শোন গো শ্রাবণে,
 তোর সোরা মাকি কিরে আসে ঘরে !

শুনে চমকিত প্রাণ প্রফুল্লিত,
 আপাদ মস্তক সহসা কম্পিত !
 ভূমি-কম্প ঘেন সহসা অন্তরে !
 রহিল সংসার সংসারের কাজ ;
 প্রিয় প্রতিবাদি কি শুনালি আজ !
 শুক মরুভূমে আজ দয়া করে,
 নিদাঘের ধারা আনিলি কেমনে ।

(২)

বড় সাধ মনে সে ভাব বর্ণিব,
 আয়্ আয়্ তবে সাধের কল্পনা !
 আয়্ গো ভারতি ! আজ মোর প্রতি
 বিশেষ করুণা কর কর সতি !
 ক্ষুদ্র কি মহত কবি যত জনা
 স্বদেশে বিদেশে যুগ যুগান্তরে
 জন্মেছ, সকলে আজ দয়া করে
 দেহ পদছায়া, পুরায়ে বাসনা
 শচী মার সেই বেদনা চিহ্নিব ।

(৩)

অন্যে ডাকি কেন কোথা গো জননি !
 এস মা আমার জনম-ভূখিনি !
 মায়ের বেদনা অন্তেভ জানে না,
 সন্তানের মায়ী অন্তেভো বোকে না ;
 তুমি না আমার মেহ-কঙ্গোলিনি !
 সন্তানের প্রাণে একবার

এ হস্তের সৃষ্টি শোণিতে তোমার,
তব পদার্পণে পুত্র-পাগলিনি !
জাগিবে হৃদয় নাচিবে লেখনী ।

(৪)

যে হস্তের সৃষ্টি শোণিতে তোমার,
আজ সে চিন্তিত বড় গুরু ভারে ;
চাইনা ভারতী, কবির শকতি,
চাইনা কল্পনা, সম্ভানের প্রতি
দেহ পদছায়া দেখাই সবারে,
পুত্র হারা শচী বিষাদে মরিয়ে
নদে পুরী মাঝে কিরূপে পড়িয়ে ;
আজ সেই চিত্র দেখাই সবারে,
দেখাই জননি ! প্রসাদে তোমার !

(৫)

সংমার্কনী হাতে গৃহ কাজে রত,
রয়েছেন শচী আপনার মনে ;
দীন হীন বেশ ক্লক্ক ক্লক্ক কেশ
বিষন্ন বদনে নাহি সুখ-লেশ,
জাগিয়া, কাঁদিয়া, কালী দুঃস্বপ্নে ;
তিল তিল করে যেন দিন দিন
মরিছেন মাতা ; গবিছেন দিন,
কবে যত্ন আসি এ কারা-ভবনে,
ঘুচাইবে তাঁর শোক দুঃখ যত ।

(৬)

সংমার্কনী হাতে গৃহ কাজে রত,
হেন কালে কথা প্রবেশিল কাণে,
পড়িল মার্কনী, দাঁড়ায়ে জননী,
ইচ্ছা শত কর্ণ পেলে পুন শুনি !
কি শুনালি কথা আজ মোর প্রাণে
এ অমৃত ছড়া কে আনিয়া দিল !
শচী দুঃখী বলে আজ কে চাহিল !
প্রিয় প্রতিবাসী বল্ কোন্ স্থানে
শুনে এলি কথা স্বপনের মত !

(৭)

ওই বিষ্ণুপ্রিয়া রজন-আগারে
নিজ কাজে রত বিরস হৃদয়ে ;
প্রফুল্ল নলিনী সমান ললনা,
কুটিতে কুটিতে কুটিতে পেলে না ;
দলে দলে যেন যায় জ্ঞান হয়ে !
হৃদয় শ্রুশানে চিত্তাগ্নির মত
এক মাত্র শিখা জ্বলিছে নিয়ত,
আহা সেও যেন আছে পথ চেয়ে
কবে কাল আসি নিবাবে তাহারে !

(৮)

এই কথা যেই প্রবেশিল কাণে;
সমগ্র হৃদয় চমকি উঠিল ;

শুনিতে শুনিতে যেন পৃথিবীতে
 আর নাই সতী ; আবার শুনিতে
 ব্যাকুল হৃদয়ে শ্রবণ পাতিল ;
 বল্ প্রতিবাসী আর বার বল্
 শুকায়েছে প্রাণ, পেয়ে শাস্তি জল,
 বাঁচুক আবার ; কে আজ রোপিল
 মৃত আশা-লতা পুন তার প্রাণে ।

(৯)

আসিলাম শুনি আজ গঙ্গাতীরে,
 শাস্তিপূরে নাকি তোদের নিমাই
 আচার্য্যের ঘরে এসে বাস করে ;
 শিষ্যগণ ধায় দেখিবার তরে ।
 তোদের দুর্দশা দেখে মরে যাই,
 তাই বলি শচি ! বউমাকে লয়ে,
 আয় সব যাই, আসিগে দেখিয়ে ;
 দেখে চাঁদ মুখ নয়ন জুড়াই !
 আহা পাবি প্রাণ এ মৃত-শরীরে ।

(১০)

ওগো প্রতিবাসি ! তোর ওই মুখে
 হোক পুষ্পরুটি ! তাও নাকি হয় !
 নিমাই আমার আসিছে আবার,
 বল প্রতিবাসি বল শতবার !
 বউমা ! বউমা ! আর যা, হৃদয়
 ভরে দেখি আজ ও চাঁদ বহন !

মরমে মরিষে আছ বাছাধন !
মা তোর সৌভাগ্য আবার উদয় ।
এস শুনে যাও শুনে ভাস স্মৃথে ।

(১১)

করিলেন শচী যাবার মন্ত্রণা ;
বাল বৃদ্ধ নারী পাড়ার সকলে ;
সে বার্তা শ্রবণে, আনন্দিত মনে,
চলিল সবাই গৌর দরশনে ;
আহা ! পথে তারা কত কথা বলে !
নদীয়াতে ছিল যত শিষ্যগণ
সকলে সংবাদে আনন্দিত মন ।
যায় নদেবাসী ওই দলে দলে ;
প্রবল সংঘটে ধায় শত জনা ।

(১২)

হেথা শাস্তিপুর করে টল মল,
কে এসেছে বলে ঘোর গণ্ডগোল,
বাজারে বাজারে কথা পরস্পরে,
কে নাকি এসেছে আচার্য্যের ঘরে,
হরিনাম শুনি সে হয় পাগোল ;
পাপী তাপী সাধু বারে কাছে পায়,
ধর হরি-প্রেম বলে বাচে তায় ;
বিপুল জনতা হোরতর রোল
চল্ রেখে আসি চল্ মরে চল্ ।

(১৩)

যে দেখে আসিতে সেই ভুলে যায় ।
 হেন হরিনাম কভু শুনি নাই !
 বলে নারীগণে হায় রে কেমনে,
 এ নব বয়সে কোপীন বসনে
 ঢেকেছে শরীর ! এই কি নিমাই !
 মরি মরি শচি তোর দুঃখে মরি !
 এ নিধি হারায়ে কিসে প্রাণ ধরি
 আছিহু জগতে ! চল্গো সুধাই,
 দুখিনী মাতারে কেন সে ভাসায় ।

(১৪)

নিত্য নবোৎসব টলে শান্তিপুর,
 টল টল বঙ্গ প্রেমের হিল্লোলে ;
 যে যেখানে ছিল সকলে আসিল ;
 মনোহর কাস্তি নেহারি ভুলিল,
 শুধু কাস্তি নয় সে মুখের বোলে ;
 বুড়ায় শরীর, বুড়ায় হৃদয় ;
 শান্তিপুর যেন প্রকুল্লতা ময় ।
 আনন্দ তরঙ্গে যেন পুরী দোলে,
 হরি প্রেমে দেশ হলো ভরপুর ।

(১৫)

হেনকালে শচী দরশন দিলা,
 ঐচৈতন্য শুনি, মাতার চরণে

লুটায় শরীর, নয়নের নীর
ফেলেন জীপদে !—তুমি না সুধীর !
কে আছে সুধীর এ তিন ভুবনে,
দীন হীন বেশে আনিলে জননী,
দুই চক্ষু ধারা বহে না অমনি ?
তাই আজ গোরা ধরিয়া চরণে,
স্নেহময়ি ! বলে কতই কাঁদিল।

(১৬)

কৈদনা লেখনি ! বল রে সবারে
শচী মাতা তাঁরে কি কথা বলিল
বুঝি কটু কথা বলিলেন মাতা ?
না—না ! সেই মুখ রুক্ষ রুক্ষ কথা
কখনো জানে না ;—কেবল কাঁদিল ;
পুল্ল-মুখ থানি হৃদয়েতে ধরে,
কাঁদিলেন মাতা অধু আর্তস্বরে ;
শান্তিপুত্র যেন কাঁদিয়া উঠিল ;
আহা মার মুখ ভাসে অশ্রুধারে ।

(১৭)

বাবা রে আমার প্রাণের নিমাই !
অভাগী শচীর প্রাণের রতন !
সোণার শরীরে কেন এ প্রকারে
মাঝায়েছ ছাই ? বল আমি কিরে
কোন অপরাধ করেছি কখন ?

যদি করে থাকি পাগলিনী বলে
 প্রাণের নিমাই ! সব যাও ভুলে !
 দয়ার ঠাকুর বলে সর্ব জন,
 মার প্রতি কেন দয়া মায়া নাই !

(১৮)

সে সুন্দর কেশ কেটে কোন প্রাণে,
 মুড়িয়েছ মাথা ভিখারীর মত ?
 তোর কি জননী মরেছে এখনি !
 তাই এই দশা করেছ বাছনি ?
 আজো মরি নাই, আরো কষ্ট কত
 না জানি যে আছে এ পোড়া কপালে
 এক মাত্র ধন তাও গেল ফেলে,
 বলরে নিমাই তোর মার মত
 জনম দুখিনী আছে কোন্ স্থানে ?

(১৯)

পাগলিনী হয়ে কভুবা জননী
 চাঁদমুখ তুলে দেখেন কাঁদিয়ে;
 ভাসি অশ্রুণীরে কভু ধীরে ধীরে
 আশীর্বাদ হস্ত বুলান শরীরে ;
 কি করেন তারে পান না ভাবিরে ।
 এ দৃশ্যের মত কি সুন্দর আছে ?
 কেন ছবি লাগে এ ছবির কাছে ?
 বর্ণিব কি, চক্ষু গেল যে ভাসিরে,
 শোকে অভিভূত চলে না লেখনী ।

(২০)

বলেন চৈতন্য ওমা উন্মাদিনী !
 আর কেন মায়া আমার উপরে !
 তব অপরাধে, মনের বিষদে,
 লইনি সন্ন্যাস; সদা প্রাণ কঁাদে
 জগতের দীন দুঃখীদের তরে,
 তাই মা ছেড়েছি সাধের সংসার,
 তাই মা নিমাই সন্ন্যাসী তোমার,
 প্রাণ যদি যায় পাপীদের তরে,
 যাক্ আশীর্বাদ কর মা জননি !

(২১)

পাপীদের তরে কঁাদিয়াছে প্রাণ ?
 পাপীরসী মার কি হবে উপায় ?
 কি পেয়েছ হরি ডিখারিণী করি
 ফেলে গেলি একা কিসে প্রাণ ধরি ?
 এ মন্ত্র সাধনা কে দিল তোমায় ?
 ধনে পুত্র পুর্ণ বাহাদুরের ঘর,
 তাহারা যে পারে ধরিতে অন্তর ।
 মরে ধন তুই শচীর ধরায়,
 তোরে জগতে রে কিসে করি দান !

২২

সেহমরি ! নরনর্যাসীর কাজ,
 থাকে কলকুলে, আশার ঘরে,

পারি না যাইতে আর কোন মতে
 ক্ষম অপরাধ; এই পৃথিবীতে
 দেখিবেন হরি সতত তোমারে ।
 ধন্য গর্ভ তব যদি হরি পাই,
 সে আশে সন্ন্যাসী তোমার নিমাই ।
 ফিরে যাও মাতা প্রসন্ন অন্তরে,
 ফিরে যাও পুন কুটুম্ব সমাজ ।

২৩

এত বলি শচী পুত্র ধনে লয়ে,
 অন্তঃপুরে গেলা, যেথা বিষ্ণু প্রিয়া
 লজ্জাবগুণে, বিনত বদনে,
 দাঁড়ায়ে কাঁদিছে, ধারা ছুন্নয়নে ।
 উতরিলা গোরা ; গলে বস্ত্র দিয়া,
 পতিব্রতা সতী প্রণমে চরণে ;
 বলেন চৈতন্য 'তোমার কারণে
 প্রিয় বিষ্ণু-প্রিয়া ! সদা কাঁদে হিয়া
 তোমার জীবন গেল রুখা হয়ে ।

২৪

কি করিবে বল চিরব্রত ধরে
 থাকলো সুন্দরি ! যখনি হৃদয়ে
 বিষাদের ভার, উঠিবে তোমার
 মোর এই ব্রত ভেব একবার ।
 স্বামী বার থাকে হরিনাম করে

তার ভাগ্য হেন কার ভাগ্য আছে ?
তাই লো বিদায় মাগি তব কাছে,
কৃতার্থ হয়েছি তোমার প্রণয়ে,
রহিলাম ঋণী সে ধনের তরে ।”

(২৫)

শুনিতে শুনিতে ফুলিতে লাগিল ;
বিষ্ণু-প্রিয়া আজ হলো পাগলিনী ;
‘কেঁদনা কেঁদনা আর কাঁদাওনা
ধর ধৈর্য্য ধর প্রাণের ললনা !
যে সকল আশা ছিল প্রণয়িনি !
বিস্মৃতি সাগরে বিসর্জন করে,
জননীর সেবা কর গিয়ে ঘরে ;
পতিব্রতা সতী তুমিলো কামিনি !
চৈতন্যের নাম তোমাতে রহিল ।’

(২৬)

পাইয়া বিদায় পুন গোরা, যায়
টল মল বদ প্রেমেতে ভাসায়,
কাঁদিতে কাঁদিতে পুত্রবধু-সাথে
পুন শচী যাতা গেলা নদীয়ায় ।

পরিত্যক্তা রমণী ।

সময়—নিশীথ ।

সুমীপে, নির্ঝাঁপোন্মুখ প্রদীপ ।

নবপ্রসূতা কুমারী শয়ানা ।

(১)

অভাগীর কেউ নাই ! কার কাছে কাঁদিব ?

এসব দুঃখের কথা কার কাছে বলিব ?

তাই বলি বিভাবরি !

অভাগীকে রূপাকরি

আঁধার-অঞ্চলে ঢাকো, প্রাণ ভরে কাঁদিব,

তোমারি নিকটে সখি ! অশ্রুজলে ভাসিব !

(২)

কত শত অশ্রু তুমি রেখেছ ত ঢাকিয়া,

সহস্র নিশ্বাস যার বায়ু সনে বহিয়া ।

মোর অশ্রু সেই সনে,

রাখ সখি ! সংগোপনে ;

জুড়াই তাপিত প্রাণ প্রাণ-ভরে কাঁদিয়া,

তোমার অঞ্চল যাক্ অশ্রু জলে ভিজিয়া ।

(৩)

অয়ি ! সুখময়ি নিশি ! তারা-হার পরিয়া,

বসুন্ধার সিংহাসনে রহেছ ত বসিয়া ।

চেয়ে দেখ পদতলে

পড়ে লতা ভাসে জলে,

তুলে লও প্রাণ-ফুল, দয়া করে ছিঁড়িয়া,

নিরমল ফুল থাক তারা সনে মিশিয়া ।

(৪)

অথবা পার লো যদি হাহাকার বহিতে,

অভাগীর হাহাকার লও তথা দ্বরিতে,

যথা সেই নিরদয়,

ঘুমাচ্ছে এ সময় ;

যাও তথা হাহাকারে নিদ্রাভঙ্গ করিতে,

নিদ্রাভঙ্গে অভাগীর দুঃখ-কথা কহিতে ।

(৫)

অভাগীর হাহাকারে যেই আঁখি মেলিবে,

অমনি রজনী ! তুমি ধীর-স্বরে বলিবে,

‘ঘুমাও, এরবে কেন

নয়ন মেলিলে হেন ?

অবলার হাহাকার কেন বুঝা শুনিবে ?

ঘুমাও কাঁচুক তারা চিরকাল কাঁদিবে ।’

(৬)

রে দীপ ! তোমার তৈল ফুরাইয়া আসিছে,

তাই মরি শিক্ষা তব নিবু নিবু করিছে ; •

আশা-তৈল পামরার

বিন্দু মাত্র নাহি আর,

তবু কেন প্রাণ-শিখা এতক্ষণ জ্বলিছে ?
 দুর্বল হৃদয়বর্তি ছুঁ করে পুড়িছে ?

(৭)

পুড়িতে পুড়িতে শেষ অবশ্যই হইবে ;
 তখন এ পাপ শিখা একেবারে নিবিবে ।

হাহাকার, অশ্রুজল,

ঘুচে যাবে এ সকল ;

নির্দয় পতির আশ সেই দিন মিটিবে,
 সেই দিন কমলের শত-দল ফুটিবে ।

(৮)

বিপন্নের বন্ধু তুমি চিরদিন ঘোষণা,
 তবে কেন মৃত্যু ! আজ অভাগীরে লও না ?

নারী প্রাণে কত সয়

তাই যদি দেখা হয়,

যথেষ্ট হয়েছে ! সত্য আর প্রাণে সয় না,
 ফেটে মরি পুড়ে মরি সত্য আর সয় না ।

(৯)

একা ছিঁমু, ছিঁমু ভাল, একাকিনী পড়িয়া
 কাঁদিতাম এ বিজনে অশ্রুজলে ডালিয়া,

কত কষ্ট আছে ভাল,

কেন এলি হেন কালে ?

নিজে মরি তোমাকে লো কি করিব লইয়া ?
 যাই যদি কার কাছে যাইব লো রাখিয়া ?

(১০)

তোমারি মায়ায় প্রাণ আর যেতে চায় না,
অনল কি বিষ-পানে আর মন ধায় না ।

এ হেন ঝালায় মোরে

চিরদিন রাখিবারে,

এলে কি রে ? একি কাণ্ড যে তোমারে চায় না,
তারি ঘরে এলে তুমি ! অন্তে সেধে পায় না ।

(১১)

এখন নিতান্ত শিশু কিছু তুমি জান না,
সৰ্ব্বনেশে মা মা, কথা বলিতে ত পার না ।

‘কেন মা কাঁদিস’ বলে

জিজ্ঞাসিবে বড় হলে,

কি উত্তর দিব তার ?—প্রাণে তাত সবে না ;
কাঁদিবে আমার সনে তাও প্রাণে সবে না ।

(১২)

স্বর্গের বিহঙ্গ ! তুমি নিজ পক্ষ ধরিয়া,
অতএব এই বেলা শীঘ্র যাও উড়িয়া ।

চির দিন কাঁদিবারে,

কেন এলে কারাগারে ?

মায়ের দুৰ্দ্ধশা দেখে উপদেশ লইয়া,
নিষ্কলঙ্ক মূর্তি ! যাও মানে মানে উড়িয়া ।

(১৩)

জন্মেছি কাঁদিতে আমি মরিব ত কাঁদিয়া,
পড়ে আছি, পড়ে থাকি তুমি যাও চলিয়া ;

এই বেলা যাও তবে ;
 মা বলে ডাকিবে যবে,
 নারিব বিদায় দিতে এইরূপ করিয়া,
 দৌহারে পুড়িতে হবে মায়া জালে পড়িয়া ।

(১৪)

যাইবার কালে তুমি সেই পথে যাইবে,
 তাহাকে নিদ্রিত তথা দেখিবারে পাইবে,
 ধীরে বসি পদতলে,
 প্রথমেতে বাবা বলে,
 মধুস্বরে ধীরে ধীরে তিন বার ডাকিবে
 সন্ধ্যোদিয়া তিনবার শেষে চুপ করিবে ।

(১৫)

তাতে আঁখি নাহি মেলে—পদতলে বসিয়া
 হে নির্দয় ! জাগো ‘বলে’—জাগাইবে ডাকিয়া ;
 তবু যদি নাহি চায়,
 তখনি ছাড়িবে তায়,
 ‘নারী-হত্যা-পাতকিন্ ! জাগো জাগো !’ বলিয়া
 গগন-বিদারি-স্বরে বলিবে লো ডাকিয়া ।

(১৬)

জাগিলে বলিবে ‘কেন এনেছিলে আমারে,
 সেই অভাগীর সনে ভানাইতে পাথারে ?

• যাই আমি হে কঠিন !

স্বখে থাকো চিরদিন,
 এই আশীর্বাদ সে যে করিয়াছে তোমারে,
 বলে গেনু, কর তুমি যাহা হয় বিচারে ।’

পবিত্র বিহঙ্গ ! তুমি এই কথা বলিয়া,
 নিরমল পাখা ছুটি গগণেতে তুলিয়া,
 বিধুমুখে মুদ্র হেঁসে
 উড়ে যেও নিজ দেশে,
 তুমি গেলে, পিছু পিছু আমি যাব ছুটিয়া,
 কমলের শতদল শোভা পাবে ফুটিয়া ।

যাজ্ঞনা ।

রামের প্রতি রাবণ ।

(রামায়ণের অনুকরণ)

প্রহারের যাতনায় প্রাণ যায় যায় প্রায়
 ভূমে পড়ে লুটিছে রাবণ ।
 আপাসিছে কুড়ি হাত, যেন হিমালয় পাত !
 দাপটেতে কম্পিত ভুবন ।
 ইন্দ্র বর্ম আদি করে বাঁধা সদা যার ঘরে
 ছয় ঋতু খাটে বার মাস ।
 সমীরণ ভরে ভরে চলে মৃদুগতি হয়ে
 দেব বক্ষ লক্ষ বার মাস ।
 আজ সেই মহারাজা যেন রবি হীনতেজা
 ভূমে পড়ে ধূলাতে লুটায় ।

নঙ্গ শত সহচরী মহারাণী মন্দোদরী
 পাশে পড়ে অচেতন প্রায় ।

স্বর্ণ লঙ্কা অঙ্ককার নবে করে হাহাকার
কাঁদিতেছে যে আছে যেখানে ।

মরেছে পুরুষ যত বিধবারা শত শত
কাঁদিতেছে মিলে স্থানে স্থানে ।

হেথা দেব রম্বু-মণি রাবণ মরিল গণি
বসিলেন বিষম হইয়ে ।

মহাবীর হনুমান মন্ত্রিবর জাম্বুবান্
আদি সবে আইল ধাইয়ে ।

এসে দেখে রঘুরায় বসি স্তম্ভিতের প্রায়
বিষাদেতে মলিন বদন ।

বাম করে রাখি শির এক দৃষ্টে ভাবে বীর
যেন ঘোর দুঃখেতে মগন ।

সবাই দাঁড়ায়ে পাশে হঠাৎ সমীপে আসে
হেন সাধ্য কারো নাহি হয় ।

ইন্ধিতেতে কোলাহল ছাড়িয়া বানর দল
দাঁড়াইল হইয়া সভয় ।

অবশেষে কিছু পর লক্ষণ জুড়িয়া কর
আগে গিয়া করিল বিবাহ ।

এস ভাই রে লক্ষ্মণ ! এস করি আলিঙ্গন
বলি কোলে করিলা শ্রীরাম ।

একে একে কপিগণে প্রণমিল শ্রীচরণে
সকলেই দিলা আলিঙ্গন ।

পদধূলি লয়ে শিরে বসিল চৌদিকে ঘিরে
ভয়ে বসে মুদিত বদন ।

কত ক্রমে রঘুবর ধরে লক্ষ্মণের কর
বলিলেন লক্ষ্মণ রে ভাই ।

মহাবীর লক্ষাপতি তাঁর আজ কি দুর্গতি
বসে আমি ভাবিতেছি তাই ।

এত সব আয়োজন করিলাম যে কারণ
সে কামনা পুরিল আমার ।

সাগর তো বাঁধা হলো শত্রুরা সবংশে মলো
জ্ঞানকীর হইল উদ্ধার ।

রাবণের মত ভাই কিন্তু আর বীর নাই
বীর-শূন্য ধরণী হইল ।

লক্ষার গৌরব যত আজ হতে হলো হত
সব সুখ আজ ফুরাইল ।

যদিও রাবণ মোর শত্রুতা করেছে ঘোর
তবু আজ কাঁদিছে পরাণ ।

ইচ্ছা হয় একবার দেখি গিয়ে কি প্রকার
পড়ে বীর পর্ত্ত সন্মান ।

ইচ্ছা হয় কাছে গিয়ে প্রেম আলিঙ্গন দিয়ে
অবসানে করি রে সান্ত্বনা ।

ইচ্ছা হয় নিজ করে তাহারে শুশ্রূষা করে
ঘুচাইগে প্রহার বাতনা ।

বলিতে বলিতে রায় চলিলেন পায় পায়
বানরেরা চলে দুর্গতি ।

ক্রমে আসি উপনীত কুড়ি নেত্র নিম্নলিত
করে যেথা পড়ে লক্ষাপতি ।

চেড়ীরা বলিল কাণে চাহি জীরামের পানে
মন্দোদরী কাঁদিতে লাগিল ।

শত শত সহচরী কাঁদে অধোমুখ করি
শোকে যেন তরঙ্গ উঠিল ।

হেরিয়া তাদের মুখ রামের বিদরে বুক
দুঃখিত কুণ্ঠিত অতিশয় ।

কমল নয়ন দিয়া পড়ে অশ্রু গড়াইয়া
বিবাদেতে পুরিল হৃদয় ।

কাঁদিছেন রঘুপতি হেন কালে লক্ষাপতি
মুচ্ছা-ভঙ্গে মেলিলা নয়ন ।

নব-জল-ধর-শ্যাম সমীপে দেখিলা রাম
শান্ত মূর্তি কমল-লোচন ।

দৃষ্টি মাত্রে যুড়ি কর প্রণমিলা বীর-বর
জীরামের যুগল চরণে ।

বিবাদে পুরিল প্রাণ বদন হইল স্নান
ধারা বহে বিংশতি নয়নে ।

রাজা বলে রঘুবর এই দেখ যুড়ি কর
তব পদে মাগিছে মার্জনা ।

আপন কুকর্ম ফলে গেনু আমি রসাতলে
নিজ দোষে এত বিড়ম্বনা ।

তব নারী লক্ষ্মী নভী অত্যাচার তাঁর প্রতি
কভু তাহা ধর্ম্মে না কি নয় ?

তাই এত পরিবার এক প্রাণী নাহি তার

স্বর্ণ লক্ষ্য হলো শূন্যময় ।

সতীর চক্ষের জল যেথা পড়ে সেই স্থল

উড়ে পুড়ে যায় সেই ক্ষণে ।

শুনে কভু মানি নাই আজ্ দেখিলাম তাই

সত্য আজ্ বুঝিলাম মনে ।

নিজ বল অহঙ্কারে ভাবিতাম এ সংসারে

অধর্মের হবে বুঝি জয় ।

কিন্তু আজি সেই ঘোর স্বপন ভাঙ্গিল মোর

আজ্ জ্ঞান হইল উদয় ।

যা হবার হলো তাহা তোমার কর্তব্য বাহা

করিলে ত বনিতার তরে ।

আপন বনিতা লয়ে বাও তুমি সুখী হয়ে

সুখে রাজ্য কর গিয়া ঘরে ।

বলো বলো জানকীরে যেন তিনি এ পাপীরে

নিজ গুণে করেন মার্জনা ।

যে কষ্ট করেছি দান সব যেন ভুলে যান

এই মাত্র শেষের প্রার্থনা ।

বলিতে বলিতে হয় । চৈতন্য মিলায়ে যায়

ওই আঁখি মুদিল রাবণ ।

নবে করে হাহাকার ফেটে যায় ত্রিসংসার

কাঁদিছেন শ্রীরাম লক্ষ্মণ ।

ভৎসনা ।

রাবণের প্রতি সীতা ।

স্থান—অশোকবন ।

একে তুই লক্ষা সাগর-তুহিতে !
রূপে অতুলিত সুরেন্দ্র-বাঞ্ছিতে !
তাহে পূর্ণ শশী, সুসমা প্রকাশি,
গগনে উদিত তোরে হাসাইতে,
সৌন্দর্য্য-তরঙ্গে তোরে ভাসাইতে !

সুনীল বিস্তৃত জলধি-তরঙ্গে,
সুবর্ণ মণ্ডিত সে পুরীর অঙ্গে ।
ঢালি সুধা রাশি, শশী যায় ভাসি
মত্ত রক্ষপতি প্রণয়-প্রসঙ্গে ।
বিহরে উত্থানে প্রণয়িনী-সঙ্গে ।

মদে মাতোয়ারা, ভাবে ঢল ঢল,
চঞ্চল চরণ, হৃদয় চঞ্চল,
বলে ;—‘এই ক্ষণে অশোক কাননে
গিয়ে দেখি সীতা ধরে কত বল,
যায় যাবে লক্ষা যাক্ রসাতল ।’

বলি উঠে ধায় ;—রাণী মন্দোদরী
কাঁদিয়া নিব্বারে পদযুগে ধরি ;

বলে,—‘ক্ষমা কর, শোন প্রাণেশ্বর !

বড় পতিব্রতা রামের সুন্দরী ;

যেওনা যেওনা অনুরোধ করি ।’

ছোট্টে দশানন ; ছোট্টে সঙ্গী যত ;

হেথা তরুতলে, ভিখারিণী মত

মলিন বসনা মলিন বদনা,

শ্রীরাম ললনা বসি, অবিরত

নয়নের নীরে ভাসিছেন কত !

জনকের প্রিয় প্রাণের চুহিতা,

রঘু-কুলবধু শ্রীরাম বনিতা,

চীর মাত্র পরে, মরমেতে মরে,

গুণ গুণ স্বরে কাঁদিছেন সীতা ;

অশোক-কাননে শোকে অভিভূতা ।

হেন কালে আসি যমের সমান,

দাঁড়াল সম্মুখে ! অবলার প্রাণ

কিরূপ হইল, রাণী তা বুঝিল ;

কঠিন পুরুষ কি জানে সন্ধান ?

জনক-নন্দিনী ভয়ে কম্পমান ।

ভয়ে কাঁপে আজ শ্রীরাম-রমণী,

ব্যাধ-হস্তে যথা কাঁপে কুরঙ্গী ;

সে প্রাণের ভাষা, সে ঘোর নিরাশা,

কে পারে বর্ণিতে ! দুর্বল লেখনী

পারে না চিত্রিতে সে ঘোর কাহিনী ।

সীতার দুর্দশা দেখিয়া রাণীর,
 দুটি পদ-চক্ষে বহে দুটি নীর,
 মুছিয়া অঞ্চলে সকাতরে বলে,
 ‘মার যদি মার আর অভাগীর,
 এ যাতনা কেন দেখ রক্ষাবীর !’

রাবণ হাসিয়া বলে ‘শুন ধনি !
 এখনো ভদ্রতা করিলো স্বজনি !
 এখনো স্মৃতি হইয়ে সুবতি !
 ভজলো আমারে ; সহস্র রঙ্গিণী
 দেখ ভজে মোরে দিবস রজনী ।

আমি রক্ষ-পতি, এই লক্ষা মোর
 সৌন্দর্য্য-ভূষিতা ! কোথা ধনি তোর
 রাম ক্ষুদ্র নর ! বুঝায়ে অন্তর
 ভজলো আমারে,—এ যাতনা ঘোর,
 পাইতে হবে না, এহেন কঠোর ।

‘ছি ছি মহারাজ !’—বলে মন্দোদরী
 ‘বলোনা বলোনা, শ্রীরাম সুন্দরী
 পতিব্রতা সতী, ওহে রক্ষ-পতি !
 সতী অভিশাপে দগ্ধ হবে পুরী ;
 দিবে স্বর্ণ-লক্ষা ছার খার করি ।’

রাবণ হাসিয়া ধরিবারে চায়,
 পথ আগলিয়া মহিষী দাঁড়ায় ;

শুন গো ললনে ! প্রাতে বিহগী যেমতি
তরল তপনালোকে খেলে নিজ মনে,
কোথা ব্যাধ ধরা পৃষ্ঠে ! তুমিলো তেমতি
পুণ্যালোকে বিহরিছ ফেলিয়া সেজনে ।

বালকে কুসুম তোলে, পণ্ডিত তাহার
সৌরভে আনন্দ পান, তুলিলে সে ফুল,
জ্ঞান হয়, যায় শোভা যায় গন্ধ ভার ;
থাক রন্ধে, গন্ধে দেশ করলো আকুল ।

তুমি নারী, জ্ঞান নাকি নারী এজগতে
এমরু জগতে যেন বটছায়া সমা,
নারী আতপত্র এই জীবনের পথে
গৃহলক্ষ্মী কুললক্ষ্মী নারী নিরুপমা ।

কিন্তু বঙ্গে নারী জন্ম বড় বিড়ম্বনা,
তাই ভাবি ও বিশাল সুন্দর নয়নে,
বহে না ত ধারা বোন ! নারীর যাতনা
এ বঙ্গ সংসারে দেখে কাঁদিলো নির্জনে ।

কে এত সহিষ্ণু বঙ্গবালার সমান !
বন যুগী সম ভীরু, লাজে নিমীলিতা,
প্রেমের কিরণ স্পর্শে প্রফুল্লিত-প্রাণ,
সে কিরণে তবে কেন তারাও বঞ্চিতা ।

দেখ বোন ! তোমাসম অনেক সুবতী
এই বঙ্গে পশুসম পুরুষে ভজিয়ে,

কাঁদিতেছে দিবারাতি ! প্রেমে পুজে সতী
পতি সে পবিত্র প্রেম আসে বিকাইয়ে ।

আরো কত বঙ্গবালা নিরাশ সলিলে,
প্রেম আশা বিসর্জিয়ে বৈধব্য আগারে
বসি কাঁদে, বল দেখি সে কথা স্মরিয়ে
এবন্ধে রমণী জন্ম কে চাহিতে পারে ?

তুমি যার তোমারো কি তিনিলো সুন্দরি !
আহা যেন তাই হয় ! হৃদয়ে হৃদয়ে
প্রাণে প্রাণে মিশে সুখে বহুক লহরী
প্রণয় আনন্দ শাস্তি থাকুক আলয়ে ।

বুঝেছ কি কি পদার্থ প্রণয় জগতে ?
প্রাণে প্রাণে সদা কথা, প্রাণে প্রাণে লয়,
এক প্রাণ স্রোত যেন অন্য প্রাণে বয়,
ভাঙ্গে না ছেঁড়ে না প্রেম যেন কোনমতে ।

প্রণয় সহিষ্ণু, প্রেম মধুরতা ময়,
চক্কের কঙ্কল প্রেম, হৃদয়ে চন্দন,
প্রাণে সুখা-বিন্দু-সেক, প্রেম জ্যোতির্ময়
বিষম বিপত্তি ঘোরে, নিঃস্বপ্নে সজন ।

প্রেমে ভীরা দুঃসাহসী, বোবারে বলায়,
নির্বোধে সুবুদ্ধি করে, হাসায় দুঃখীরে,
ভুলায় আহার নিজা, স্বার্থ দূরে ষায়,
মজে প্রাণ করি স্থান সুখা-সিদ্ধ-বীরে ।

এ প্রণয়ে বাঁধা কাস্ত আছে কি তোমার !
 ভাল বেশ ভাল বাসা মিলিবে তখনি !
 সমগ্র প্রাণটী ধরে দিও উপহার,
 সমগ্র প্রাণটী হাতে পাইবে অমনি !
 কবি আমি দিতে পারি প্রণয়ের শিক্ষা ;
 এই মন্ত্র মনে রেখ করোলো সাধনা,
 এই মন্ত্রে নিজ কাস্তে করাইও দীক্ষা ;
 বিমল আনন্দ-স্রোতে ভাসিবে দুজনা !

বিদায় ।

কি ঘোর বারতা আজ অযোধ্যা নগরে !
 সহসা বিষাদ নিশা পশে ঘরে ঘরে ।
 যথা যায় তথা শোক তথা হাহাকার,
 আজ পুরজন কেন ফেলে অশ্রুধার !
 কেন না কাঁদিবে ? কাল নিশি পোহাইলে,
 ভাসিয়ে সবারে ঘোর বিষাদ সলিলে,
 অকারণে, যাবে বনে রাম গুণমণি,
 তাই আজ ঘরে ঘরে এত আর্ন্ত ধ্বনি ;
 তাই আজ শত নেত্রে বহিতেছে বারি,
 হা রাম ! শ্রীরাম ! রবে কাঁপিতেছে পুরী !
 কিরূপে বর্ণিবে কবি অযোধ্যার দশা ;
 অন্ত গেছে ভানু ; নিশা এসেছে তমসা,

ঢাকিতে সে শোক ছবি ; রাজ অন্তঃপুরে
 আজ যে স্থলে না বাতি ; অন্ধকার ঘরে
 পড়িয়া কাঁদিছে যত শ্রীরাম জননী ;
 হা রাম ! শ্রীরাম ! আজ প্রাতি মুখে ধ্বনি !
 ভুলুগ্ঠিতা আজি মাতা কোশল-দুহিতা,
 ক্ষণে জাগি, ক্ষণে পুন হন নিমীলিতা ;
 উরু পরে মাতৃশির রাখি রঘুপতি,
 সূক্ষ্মঘাতে ব্যস্ত আজ ! পার্শ্বে সীতা সতী
 নীরবে ব্যজনে রত ; এক অশ্রু আসে,
 না মুছিতে অন্ত নীরে মুখ চন্দ্র ভাসে ।
 সবে নিরন্তর, শুধু জননি ! জননি !
 মিষ্ট ভাষে নিরন্তর ডাকেন নৃমণি !
 নেত্র না মেলেন, যেন ঘুমায়ে ঘুমায়ে
 রাম রে ! বাবারে ! বলে উঠেন ডাকিয়ে ।

ওদিকে লক্ষণ বীর লইতে বিদায়,
 চলিলা উন্মীলা বসি কাঁদেন যথায় ।
 একান্তে পাইয়া কান্তে উন্মীলা সূন্দরী
 কাঁদে আজ ; কাল প্রাতে না যেতে শরীরী,
 অজিন বঙ্কল বাসে আবরি সে দেহ
 ছাড়িয়ে যাইবে বীর সে অযোধ্যা গ্নেহ ;
 তাইত উন্মীলা আজ আকুল পরাণে
 এত কাঁদে ; সমীপেতে চাহি ধরা পানে,
 ধনু পৃষ্ঠে রাখি শির স্থির বীরবর,
 বিন্দু বিন্দু পড়ে অশ্রু মেদিনী উপর ।

উর্মিলা বলেন নাথ ! প্রসন্ন নয়নে
 চেয়ে দেখ, কথা কও অভাগীর সনে ।
 হে বীর ! পাদপ তুমি, আমি তব লতা,
 তুমি কায়া, আমি ছায়া ; নাথ তুমি যথা
 দাসী তথা, চেয়ে দেখ ! বীর চুড়ামণি !
 কত অপরাধ দাসী করেছে আপনি
 তব পদে, কিন্তু নাথ দিনেকের তরে
 দেখি না বিরাগ ক্রোধ তোমার অন্তরে ।
 চির সুপ্রসন্ন মুখ, প্রণয়ে উজ্জ্বল,
 উৎসাহ আনন্দে পূর্ণ নয়ন যুগল ।
 আজি কেন সেই আঁখি আছ নামাইয়া,
 আজি কেন দূরে নাথ থাক দাঁড়াইয়া ?
 কি দারুণ কথা মোরে আজ প্রাণেশ্বর !
 শুনাইলে ! আজ হতে শূন্য মোর ঘর !
 বলিলে কি করে বীর ? তোমা গত প্রাণ,
 তুমি গতি উর্মিলার ; বজ্রের সমান
 এ বারতা তবে নাথ কিরূপে বলিলে ?
 এতকাল কোলে করে যারে বাড়াইলে
 আজি সে প্রণয়ে নাথ চরণে দলিয়া
 কিরূপে যাইতে চাও একাকী কেলিয়া !
 চল বনে আমি বাব দিদী একাকিনী
 যান কেন, আমি তাঁর হইব সঙ্গিনী ।
 রামচন্দ্র পদ সেবা ভাবিয়াছ সার,
 হে নাথ গুরুত তিনি তব উর্মিলার,

চল বীর তাঁর সেবা করি তিন জনে,
 বেড়াব পরম সুখে ভূধরে কাননে ।
 প্রাণ কান্ত ! তুমি পার্শ্বে থাকিলে আমার
 পথশ্রম, মৃত্যু ভয়, অরণ্য অপার,
 নাহি গণি । মুখ তোলো বিশাল নয়নে
 উর্মিলা বজ্রভ ! চাও উর্মিলার পানে !
 বলিলা লক্ষ্মণ বীর, প্রাণের উর্মিলে
 কেঁদনা প্রেয়সি আর ! জানি গো সরলে
 আমাগত প্রাণ তব, পড়ি এ ভবনে
 অসহ্য বিরহ তুমি সহিবে কেমনে,
 তাও জানি ; কিন্তু প্রিয়ে কি করিবে বল
 সয়ে থাক । কল্য প্রাতে বিবিধ মঙ্গল
 আনন্দ উৎসবে মগ্ন হবে এ নগরী,
 শ্রীরামের অভিষেক ! তা না প্রাণেশ্বর !
 নির্ঝানিত আজি রাম তঙ্কর সমান !
 দেখিয়া সুস্থির আর থাকে কি লো প্রাণ !
 প্রতিজ্ঞা করেছি তাই, আমি দাস হয়ে,
 শ্রীরামের পদযুগ এ হৃদয়ে লয়ে,
 যথা যান তথা যাব ; আমি ষোগাইব
 পিপাসার জল তাঁর ; চরণ সেবিব
 শ্রান্ত হলে ; ক্ষুধাকালে বন ফল আনি
 আমি দিব ; নিব আজ্ঞা পিছু সম জানি ।
 প্রতিজ্ঞা করেছি তাই বদ্ধল বসন
 পরিয়া সন্ন্যাসী হব, শ্রীরাম সেবন,

করিব নাধন মন্ত্র ; থাকিব স্ববশ ;
 তুলিবনা আঁখি আর বর্ষ চতুর্দশ
 কোন রমণীর মুখে ; রাখিব চরণে
 এই দৃষ্টি ; তাই প্রিয়ে আজ ওবদনে
 তুলিতে পারি না আঁখি ! যে মুখ হেরিলে
 পলায় সম্ভাপ ভাসি আনন্দ সলিলে,
 আজি সে প্রাণের প্রিয় বদন তোমার,
 প্রতিজ্ঞা করেছি প্রিয়ে ! দেখিব না আর ।
 আজি ও পালকে আমি আর বসিব না,
 আজি ও সুন্দর তনু আর ছুঁইবনা ;
 পতিব্রতে ! ব্রত মোর হৃদয়ে বুঝিয়া,
 স্থির হও, প্রাণে প্রাণে রেখেছ বাঁধিয়া
 যেই গ্রন্থি, খুলে দেও সরল হৃদয়ে !
 লইয়া বিদায় আমি যাই তুষ্ঠ হয়ে ।
 বীর পুত্রি ! বীর পত্নী বলে অভিমান
 থাকে যদি, ধৈর্য ধর, ধৈর্যের সমান
 গুণ নাই ; স্বর্ণ প্রেম, বিরহ অনলে
 জানি ও পরীক্ষা তার এই ধরা তলে ;
 ধৈর্য ধর গুরুসেবা কর কায় মনে
 তবেত কিনিবে প্রিয়ে তোমার লক্ষণে ।
 একচিন্তে গুরু সেবা করিয়ে উভয়ে,
 অবশেষে কাল অন্তে, আসিয়া আলয়ে,
 দেখা দিব, চাঁদ মুখ দেখিব আবার ;
 নিজ হস্তে মুছাইব ওই নেত্র ধার ;

ও পালকে প্রাণ খুলে আবার বসিব,
 আবার তুষিত নেত্রে ওমুখ হেরিব ।
 তদবধি তবে প্রিয়ে লইলো বিদায়,
 কেঁদ না ব্যাকুল আর করো না আশায় ।
 বলিতে বলিতে বীর হইল বাহির ;
 উন্মীলা পড়িয়া কাঁদে শোকেতে অধীর !

বহু দূর নয় ।

(গভীর নিশীথে লিখিত)

গভীর রজনী ! ডুবেছে ধরণী,
 জাগ রে জাগ রে সাধের লেখনি !
 প্রাণপ্রিয় ভাই ভারত-সন্তান !
 জাগ রে সকলে, শোন করি গান ।
 ভারতের গতি ভারত-নিয়তি
 ভেবে আজ কেন উখলিল প্রাণ !
 দুঃখের কাহিনী তাই কল্পি গান ।
 আজ যাও নিদ্রে ! আজ ঘুমাবনা,
 সুখের শয্যায় আজ শুইব না ;
 মৃত প্রায় পড়ে জন্ম-ভূমি যার,
 এ সকল কিরে ভাল লাগে তার ?
 কিরূপে ঘুমাই ? শুনিবারে পাই

যেন আর্তনাদ, যেন হাহাকার,
শুনে যে কেঁদেছে পরাণ আমার ।

ঘুমাইতে যাই কেহ কাণে বলে
“ঘুমায়ে কি আছ সন্তান-সকলে !”

তাইত আমার ঘুম দূরে গেল,
তাই ত আমার প্রাণ উথলিল ;
একাকী জাগিয়া রহেছি বনিয়া,
অন্য সব ভাই - কেন ঘুমাইল ?
কেন না সকলে সে রব শুনিল ?

শুনে যে ঝলিল উৎসাহ-অনল
কি করি ভাবিয়ে হৃদয় চঞ্চল ;
সাধে কিরে জাগি ! কে ঘুমাতে পারে
এহেন আশুনে ঘেরিয়াছে যারে ?
কি করি কি করি, কিসে অগ্নি ধরি,
ইচ্ছা ডাকি গিয়ে উঠে দ্বারে দ্বারে,
ঘুমানেন ভাই ! আর এ প্রকারে ।

দুর্কলের মাতা প্রিয় বঙ্গ-ভূমি !
লক্ষ শিশু কোলে ঘুমাইলে তুমি ;
গভীর আঁধারে ঢাকি প্রিয় মুখ,
লুকালে কি মাতা অন্তরের দুখ ?
নিজেত ঘুমালে, আমারে জাগালে
কি রব শুনায়ে হরে নিলে সুখ,
হৃদয় ভরিয়া উথলিল দুখ ।

কার কথা ভাবি কোন দিক দেখি,
 সব অন্ধকার যে দিকে নিরখি !
 কোটি কোটি লোক অজ্ঞান আঁধারে
 চির মগ্ন, যেন আছে কারাগারে ;
 দারিদ্র্য ভাবনা, অসহ্য যাতনা
 শোণিত শুষিছে তাদের সংসারে,
 নির্ঝাক্ হইয়া কাঁদে পরস্পরে ।

অভদ্র কি ভদ্র লোক শত শত
 অনাহারে শীর্ণ দেখি অবিরত ;
 না যেতে যৌবন তাদের নয়নে
 বিষাদ নিরাশা দেখি এক সনে ;
 দারিদ্র্য ঝাঁতায় প্রাণ পিষে যায়
 চূর্ণ আশা যত কঠোর ঘর্ষণে,
 সে মুখ ভাবিলে ঘুঁমাই কেমনে ?

জ্ঞান পেয়ে যারা হয়েছে শিক্ষিত,
 দেশের দুর্দশা তারাও বিস্মৃত ;
 জঘন্ট আমোদে দেখি কাল হরে,
 অকারণ বকে, হাসে হাহা করে,
 নীচ পশু প্রায় ইন্দ্রিয় সেবায়
 মগ্ন নিরন্তর ; জ্ঞান শিক্ষা করে,
 নীচ রিপু মাত্র চিনেছে সংসারে !

ঘৃণা করি কিম্বা কাঁদি ডাক ছেড়ে,
 “মা তোর সৌভাগ্য কে লইল কেড়ে,”

আর বার ভাবি যাই পায়ে ধরে
বলি,—‘ক্ষমা কর, আর ভারতেরে
ডুবাননে ভাই ! বাকি কিছু নাই
যথেষ্ট হয়েছে ! বহু দিন ধরে
আছে জন্ম-ভূমি মরমেতে মরে ।’

হায় রে ! রমণী জগতের শোভা
মানবের ঘরে স্বরগের প্রভা,
সে বঙ্গ ললনা স্নেহের মূরতি,
সারল্যের ছবি, কোমল প্রকৃতি,
সবার ঘণিত চরণে দলিত
হয়ে সহিতেছে অশেষ দুর্গতি,
দুঃখিনী সারিকা কাঁদে দিবা-রাতি !

সাধে কি রমণি ! তোরে ভাল বাসি ?
সাধে কি ভারতি ! তোর কাছে আসি !
যুগ যুগান্তর অজ্ঞান-আঁধারে,
বদ্ধ হয়ে গেল কত অত্যাচারে,
স্নেহের জলধি অমৃতের নদী
তবু দেখি নারী এ পাপ সংসারে,
দেখে মুগ্ধ আঁখি চায় দেখিবারে ।

কার কথা ভাবি কোন দিকে হেরি,
গভীর হৃদশা চারিদিকে ঘেরি,
আজি তবে আমি ঘুমাই কেমনে !
ভাই ত জাগিয়া কাঁদিরে নির্জনে ।

ভাই বঙ্গবাসী উঠে কাঁদ আনি,
কি আছে সম্মল অশ্রুপাত বিনে,
ওঠ ওঠ ভাই থাকি জাগরণে ।

কাজ কি ঘুমায়ে থাকি জাগরণে,
কাজ কি বিশ্রাম খাটি প্রাণপণে,
এ ঘোর দুর্দশা ঘুমালে কি যায় !
বিন্দু বিন্দু রক্ত পড়ুক ধরায়,
তিল তিল করে আয় যাই মরে ;
বল বুদ্ধি মন মিলিয়া সবায়
আয় ধরে দিই ভারতের পায় ।

উৎসাহেতে পুড়ে মরিব অকালে,
তাও যদি হয় হোক রে কপালে,
বুকিয়াছি বেশ দিতে হবে প্রাণ,
তবে যে জাগিবে ভারত-সন্তান,
আয় জন কত ধরি এই ব্রত
খাটিয়া জীবন করি অবসান,
তবে যদি জাগে ভারত সন্তান ।

আয় রে বোম্বাই ! আয় রে মাদ্রাজ !
রুখা গুগোলে নাহি কোন কাজ,
ভারতের তোরা অমূল্য রতন,
আয় সবে মিলে করি জাগরণ,
মিলে পরস্পরে দেশের উদ্ধারে

আয় দেখি সবে করি প্রাণপণ,
দেখি রে দুর্দশা না যায় কেমন ?

ভাই মহারাষ্ট্র তোমার কপালে,
পৌরুষের আভা আছে চিরকালে,
দাঁড়াও আসিয়া কাছে একবার,
মুখ দেখে আশা বাড়ুক আমার,
সাহসের কথা শুনে যাক্ ব্যথা,
প্রিয় ভারতের হোক রে উদ্ধার,
জয় মহারাষ্ট্র জয় রে তোমার ।

আয় রাজপুত্র আয় প্রিয় শিক,
জাতি-ধর্ম-ভেদ সকলি অলীক,
ভারত রুধির সবার শরীরে,
ভাই বলে নিতে তবে শঙ্কা কি রে !
আয় ভাই বলে দিব প্রাণ খুলে
ভাই হয়ে রব তোদের মন্দিরে,
করো না রে ঘৃণা ভীকু বাদ্গালিরে ।

পাইয়াছি শিক্ষা, পেয়েছিহ মান,
তোরা ভাই সব আছিল অজ্ঞান,
তা বলে ভেব না, করিব মমতা,
আর বলিব না সুশিক্ষার কথা,
তাদের যে গতি আমরা সে গতি,
তোদিকে কেলিয়া চাই না সন্তোষ,
সবে এক হয়ে থাকিব সর্বথা ।

শেষে ডেকে বলি ওরে যুন ভাই,
 প্রাচীন শত্রুতা প্রয়োজন নাই ;
 দেশের দুর্দশা দেখ হলো ঢের,
 তোরা ত সন্তান প্রিয় ভারতের,
 সে শত্রুতা ভুলে আয় প্রাণ খুলে,
 পুতে রাখ কথা মসৌম, কাকের,
 বল শুধু,—‘মোরা প্রিয় ভারতের’ ।

ভারতের তোরা তোদের আমরা,
 আয় পূর্ণ হলো আনন্দের ভরা !
 সবে এক দশা তবে অহঙ্কার,
 তবে রে শত্রুতা শোভে না যে আর ।
 মিলি ভাই ভাই জয়ধ্বনি গাই,
 ঘুমিয়া বেড়াই শুভ সমাচার,
 আমাদের মাতা বাঁচিল আবার ।

আর কারে ডাকি ওঠ গো ভগিনি !
 ভারত ললনা কারার বন্দিনী,
 তোরা না উঠিলে দেশ যে উঠে না,
 তোরা না জাগিলে দেশ যে জাগে না,
 ওঠ একবার দেশের উদ্ধার,
 কেবল পুরুষে হবে না হবে না,
 এক পায়ে দেশ কভু দাঁড়াবে না ।

ওঠ গো আবার সুচারু হাসিনি !
 প্রিয় ভারতের যতন নন্দিনী,

প্রাণ-কান্তে যবে কর সস্তাষণ,
পৌরুষের কথা করাও স্মরণ ;
কোমল সন্তানে স্তনদুগ্ধ সনে
পিয়াও পৌরুষ, হোক শত জন
ভারতের চুড়া ভারত ভূষণ ।

ওই চাঁদ মুখে সব বল আছে !
বীরত্বের শিক্ষা ও দৃষ্টির কাছে !
প্রেমে মাখাইয়া জুড়িয়ে হৃদয় !
পশ্চাতে থাকিয়া দেও সে অভয়,
নাহসে মাতিয়া যাই উড়াইয়া
বিজয় নিশান, আর কারে ভয় ।
মোদের সন্মতি বহু দূর নয় ।

ভূগীৰ্ত্তী ।

ভারতবর্ষের ইতিহাস-পাঠক মাজেই ইহাঁর নাম বিদিত আছেন ।
ইনি “সৌন্দর্য্য ও সুবুদ্ধি উভয়ের জন্য বিখ্যাত” ছিলেন । ১৫৬৪ খৃষ্টাব্দে
দ্বাদশ আকবরের সেনাপতি আসক খাঁ বখন নন্দদাতীরবর্তী গড়া
রাজ্য আক্রমণ করেন, তখন এই রমণী অসামান্য বীরত্ব সহকারে
চাহার সহিত যুদ্ধ করিয়াছিলেন, কিন্তু অবশেষে জয়শায় হতান হইয়া
হস্তে ছুরিকাঘাত করিয়া রণস্থলেই প্রাণত্যাগ করিয়াছিলেন ।

হের হের রণ মাঝে নাচিছে সুন্দরী রে
নাচিছে সুন্দরী ।

করে অসি খরশান মুখে ডাক হান হান
পদতলে কাঁপে ধরা থর থর করি ।

রণ মদে মত্ত নতী পাগলিনী প্রায় রে
পাগলিনী প্রায় ! ! !

প্রবল ধূমের মাঝে চপলা রূপসী সাজে
নবঘনে সৌদামিনী খেলিয়া বেড়ায় ।

বীরভাবে বিকসিত বদন কমল রে
বদন কমল ;
একে যৌবনের শোভা তাহে বীরত্বের আভা
দরশনে প্রাণপূর্ণ যেন রণস্থল ।

রবিতাপে দুই গণ্ড আরক্ত বরণ রে
আরক্ত বরণ ।

প্রবল শ্রমের ভরে, বর বর স্বেদ করে
কোমল অঙ্গুলে মুছে ফেলে অনুক্ষণ ।

কোন দিকে বীরপত্নী ফিরিয়া না চায় রে
ফিরিয়া না চায় ।

সেনা লয়ে অগ্রসর, সচকিত নারীনর
কার সাধ্য সে নারীর সমীপে দাঁড়ায় !

বলে বামা যায় যাবে যায় যাবে প্রাণ রে
যায় যাবে প্রাণ !

সকলে নিহত হব, এইখানে পড়ে রব
সহজে কি গড়া আমি করিব প্রদান ?

দেখিব কেমন বীর ছুরাঙ্গা যবন রে

ছুরাঙ্গা যবন ।

যেই পথে মহারাজ গিয়াছেন ; ছাড়ি লাজ

সেই পথে আমি আজ করিব গমন ।

কি ভয় আমার বল কি ভয় আমার রে

কি ভয় আমার ?

একে একে প্রতিজন পড়িব, তথাপি রণ

ছাড়িব না ; তবু গড়া না খুলিবে দ্বার ।

বীরের রমণী আমি বীর ধর্ম জানি রে

বীর ধর্ম জানি !

দেহে কি থাকিতে প্রাণ যবনে করিব দান

এ সুখের গড়া রাজ্য স্বর্ণ থালা খানি !

ভয় নাই, ভয় নাই, হও অগ্রসর রে

হও অগ্রসর ।

কত্রিয়ার তরবার সহ করে সাধ্য কার !

ভূতলে লুটাবে আজ ভূধর শিখর ।

গজ বাজী রথ রথী কে পাবে নিস্তার রে

কে পাবে নিস্তার ?

দুর্গার সমরানলে দেখি দেখি কে না লে,

বড় যে বীরত্ব গুনি যবন রাজার !

বাজাও বাজাও বাজ বাজাও বাজাও রে

বাজাও বাজাও ।

হর হর ! কি কৌতুক, এহতে মনের সুখ
বল শুনি বীরগণ কেবা কোথা পাও ?

এই ক্ষেত্রে মহারাজ ত্যজিলেন প্রাণ রে
ত্যজিলেন প্রাণ ।

যদি তাঁর পত্নী হই, বীর বংশে জন্ম লই,
রাখিব রাখিব আজ তাঁহার সন্মান ।

শুনেছি যবন চাহে হরিতে আমারে রে
হরিতে আমারে ।

এইত সমর বেশে, এসেছি এহেন দেশে
দেখি দেখি এই তনু স্পর্শিতে কে পারে ! !

কোথা গেলে আর্যপুত্র শৌর্য্য অবতার হে
শৌর্য্য অবতার ।
রাখিতে তোমার মান আজি যে করিবে দান
জীবন যৌবন দুর্গা বড় সাধ তার ।

কাঁদিয়া তোমাকে নাথ দিয়াছি বিদায় হে
দিয়াছি বিদায় ।

তাই কি অঁধার করে অধীনীরে পরিহরে
গেছ নাথ ! বল আজ দাঁড়াব কোথায় ! !

অথবা অভাগী দুর্গা রমণী তোমার হে
রমণী তোমার !

তাহার কিসের ভয় ? অনাশে করিবে জয়
ভক্তি যদি শ্রীচরণে থাকেহে তাহার ।

বলিতে বলিতে কথা নয়নের জল রে

নয়নের জল

ঝরে দর দর করে, বিন্দু বিন্দু হৃদিপরে

পড়িতে লাগিল যেন শূল মুক্তাফল ।

নয়নে বহিছে জল মুখে মার মার রে

মুখে মার মার !

নাবাসি নাবাসি নতি ! সত্য সত্য গুণ-বতী !

বীরপত্নী বট ভূমি ! করি নমস্কার ।

এরূপে খেলিছে সতী সমর চত্বরে রে

সমর চত্বরে ।

উড়ে ধূলি ঘনাকার চারিদিক অন্ধকার,

অস্ত্রে অস্ত্রে উঠে বহি বক্ বক্ করে ।

গড়ার বীরেন্দ্র বীর সেনাপতিগণ রে

সেনাপতিগণ

রুধিরাক্ত কলেবরে নয়ন মুদ্রিত করে

অথ হতে ধরা পৃষ্ঠে করিছে শয়ন ।

বিশাল ললাট ফাটি বহিছে রুধির রে ।

বহিছে রুধির ।

সমর ছত্যাশে প্রাণ করিয়া আহুতি দান ।

একে একে ধরাশায়ী হয় যত বীর ।

প্রসারি বিশাল বক্ষ অগাধ নিদ্রায় রে

অগাধ নিদ্রায়

আছে যত বীরগণ, পদে দলে কতজন
দড় বড় চারিদিকে অবিরত ধায় ।

ক্রমে ক্রমে অর্দ্ধশেষ হইল বাহিনী রে
হইল বাহিনী ।

তথাপি সাহস ধরি মার মার শব্দ করি
সমর রঙ্গেতে মত্ত রয়েছে কামিনী ।

বিক্র হলো অবশেষে বিশাল নয়ন রে
বিশাল নয়ন ।

উজ্জ্বল নয়ন তারা হয়ে গেল দৃষ্টিহারী
বিধুমুখে রক্তস্রোত বহে ঘনে ঘন ।

জ্বালায় অগ্নির আহা বিধুরা কামিনী রে
বিধুরা কামিনী ।

তথাপি অভয়দান, খুলিয়া ফেলিল বাণ
অঙ্গুলে মুছিয়া রক্ত ফেলে বিনোদিনী ।

কোন্ দিকে আর কত রাখিবে সুন্দরী রে
রাখিবে সুন্দরী ।

চারি ধার ভাসে যবে, কে পারে রাখিতে তবে
প্রবল বস্ত্রার জল সেতুবন্ধ করি ?

দেখিতে দেখিতে সেনা ভঙ্গ দিল রণে রে
ভঙ্গ দিল রণে ।

দাঁড়াও ! দাঁড়াও ! আর কথা শুনে কেবা কার !
দড় বড় ছোট্টে সবে যে পারে যেমনে ।

এভাব দেখিয়া সতী হইল হতাশ রে
হইল হতাশ ।

সেনাগণ ভঙ্গ দিল রণ ছাড়ি পলাইল
কাকে ডাকি ?—কেবা শুনে,—বিফল প্রয়াস ।
আজি গেল অস্তাচলে সূখের তপন রে
সূখের তপন ।

বিধাতা হইল বাম, আজি ডোবে উচ্চ নাম,
বীরপুত্রী গড়া আজ হইল পতন ।
এত ভাবি বলে সতী দেরে তরবার
ও রে দেরে তরবার ।

যবনে হারিয়া রণ রাখিব না এ জীবন
বহিতে নারিবে দুর্গা কলঙ্কের ভার ।
কি হইবে রাজ্যে মম কি হইবে ধনে রে
কি হইবে ধনে ।

বীর চুড়া যার স্বামী সেই অভাগিনী আমি
জীবন থাকিতে কিরে ভজিব যবনে ?
ভেবেছে জিনিয়া রণে লইবে আমারে রে
লইবে আমারে ।

আমি কি রাখিয়ে প্রাণ, প্রাণকান্তে অপমান
করিব রে ? প্রতিশোধ দিব কি তাঁহারে ?
নারীর সতীত্ব ধন অমূল্য রতন রে
অমূল্য রতন ।

হেন ধন হারা হয়ে এ পাপ শরীর লয়ে
 কি হইবে ?—চাহিনা রে এ ছার জীবন ।
 এত বলি সুলোচনা লয়ে তরবার রে
 লয়ে তরবার ।

হৃদয়ে আঘাত করে ভব ধাম পরিহরে
 হায় গেল শশিমুখী করে অন্ধকার !!

সতীর পরাক্রম ।

()

নিবিড় কাননে, পতি অশ্বেষণে,
 ভ্রমে একাকিনী ভীমের নন্দিনী,
 ছতাশে আকুল সতীর প্রাণ !
 ভীষণ বিজন, সে ঘোর কানন,
 হিংস্র জন্তুময় যমের আলয়
 নাহি পান দেখা যে দিকে চান ।

(২)

কোন দিকে চাই আর কত বাই !
 তনু অবসন্ন, হৃদয় বিষন্ন,
 মুখ-পদ্ম আজ ভাসিছে জলে ;

না পান দেখিতে চলিতে চলিতে
চরণ যুগল ক্রমশঃ অচল
বসিলেন এক তরুর তলে ।

(৩)

যেন উন্মাদিনী, রাজার নন্দিনী,
উদাস নয়নে দশ দিক্ পানে
নিরখি নিরখি কেবল কাঁদে ;
আঁখি ইন্দীবর, অশ্রুতে কাতর,
প্রাণকান্ত বিনে এ দুঃখ দুর্দিনে
ঢাকিয়াছে মেঘ সে মুখ-চাঁদে ।

(৪)

কোথা প্রাণেশ্বর, কাঁদিছে অন্তর,
হৃদয় ফাটিয়া উঠে উথলিয়া
ঘোর শোক সিন্ধু, ডুবিয়া মরে ।
বসে তরুতলে, ভাসে নেত্রজলে,
যেন উন্মাদিনী, রাজার নন্দিনী
কেহ নাহি কাছে, স্মৃধায় কারে ?

(৫)

এহেন সময়ে, মদমত্ত হয়ে,
নির্দয় নির্দম বমদূত সম,
ব্যাধ ছুরাচার দাঁড়াল আসি ।
মোহন মাধুরী ভুলিল নেহারি !
প্রাণ চমকিত হৃদয় মোহিত
মধুর বচনে বলিল হাসি ;

(৬)

“কে তুমি সুন্দরি ! বন আলো করি,
একাকী বিজনে বসি কি কারণে ?

তুমি লো ললনা বল না কার ?
কোন্ দেশে যাও, কারে তুমি চাও,
কার অশ্রুশ্রবণে এ ঘোর কাননে,
কোমল চরণে হয়েছে বার ?

(৭)

রোদন সম্বর নিমধ-ঈশ্বরী,
পবিত্র নয়নে চাহি তার পানে
জিজ্ঞাসেন সতী ব্যকুল মনে ;
‘মর্ত্তে অতুলিত, দেবেন্দ্র পূজিত,
নিমধাধিপতি নল মহামতি’

দেখেছ কি তাঁকে এ ঘোর বনে ?

(৮)

হে ব্যাধ সৃজন ! প্রাণের রতন,
হারা হয়ে আমি এ অরণ্যগামী,
দেখে যদি থাক বলিয়া দাও ।
করি আশা দান, অবলার প্রাণ,
রক্ষা কর কর, কোথা প্রাণেশ্বর,
বল হে নিষাদ মোর মাথা খাও ।

(৯)

আইল রজনী আঁধার অবনী
হে ব্যাধ সৃজন ! নারীর জীবন
বাঁচাবার কিছু উপায় কর ;

চরণে বেদনা চলিতে পারি না
ক্ষীণ কলেবর কোথা প্রাণেশ্বর,
বলে দেও ব্যাধ এ প্রাণ ধর ।

(১০)

নিষধ গৃহিণী, ভীমের নন্দিনী,
ভিখারিণী মত কর যোড়ে কত,
ব্যাধের চরণে মিনতি করে ।
পাষাণ দুর্জুন, তাহার সে মন,
পারে কি বুঝিতে এই পৃথিবীতে
পতি বিনা সতী বাঁচে কি করে ।

(১১)

মদেতে চলিয়া হাসিয়া হাসিয়া,
বলে ছুরাচার, “কেন ধনি আর,
রুখা আশা ধরে ঘুরিয়া মর ।
আমারে ভজনা, রবে না ভাবনা,
হেথা রাজা আমি, রাণী হবে তুমি,
আলো করো আলি আমার ঘর ।

(১২)

এই কথা শুনি ভীমের নন্দিনী
বলে ! ছুরাচার কি সাধ্য তোমার
হলো না রসনা হাজার খান ?
হয়ে ভিখারিণী, ভ্রমি একাকিনী,
ভেবেছ দেখিয়া লবে ভুলাইয়া
করোনা স্বপনে এহেন জ্ঞান ।

(১৩)

ওরে দুরাচার ! ধর্ম অবতার,
 রাজ রাজেশ্বর, মোর প্রাণেশ্বর,
 তুই তুচ্ছ কীট ; কে তোর ননে
 আজ কথা কয় ? বিধি দুঃসময়
 যদি না আনিত, কে হেথা আনিত
 কে আজ ভ্রমিত এ ঘোর বনে ?

(১৩)

আসুক রজনী, ঢাকুক মেদিনী,
 করি না রে ভয়, ব্যাধ দুরাশয় !
 চাই না আশ্রয় তোদের কাছে !
 পতি অশেষণে, যাব ঘোর বনে,
 করি প্রাণপণ, ভুধর কানন,
 খুঁজিব যেখানে যা কিছু আছে ।

(১৫)

ব্যাধ বলে, 'ধনি ! আইল রজনী,
 ক্রোধ পরিহরে চল মোর ঘরে,
 এই বেলা চল আপন মানে ।
 বলে একেবারে, যায় ধরিবারে,
 পাদাহতা কণী ! গরজে অমনি
 বজ্রাঘাত হলো ব্যাধের কাণে ।

(১৬)

হাত বাড়াইল, অমনি রহিল,
 কম্পিত হৃদয়, ব্যাধ দুরাশয়,

অবাক্ নীরব জড়ের মত !
 দেখিল অনলে, সতী যেন জ্বলে,
 কিবা সমুজ্জ্বল হলো বন স্থল !
 দেখি নরাদম চেতনাহত ।

(১৭)

কথা কি কহিবে, কোথা পলাইবে,
 প্রচণ্ড ছতাশে ঘেরে চারি পাশে
 পুড়ে মরে ব্যাধ হাহাকার করে,
 সতীর নয়ন দুর্জয় এমন
 পাপী দুরাচার, কি জানিবে তার !
 আজি তা বুঝিল দহনে মরে ।

বিধবার হরিণ ।

অঁধারে মগন ধরা নিশীথ রজনী,
 কিংকিঁ রবে কম্পিত ভুবন,
 একাকিনী পর্ণগৃহে কাঁদিছে রমণী
 নেত্রজলে ভাসে ছুনয়ন ।

পাশে শিশু একমাত্র প্রাণের কুমার,
 ঘোর রোগে আছে হতজ্ঞান ;
 নিমীলিত পঙ্কজমুখচন্দ্র তার
 যত দেখে উথলিছে প্রাণ !

হায় রে দুদিন হলো, স্বামীধনে নারী
 হারিয়েছে বিস্ম বিকারে ;
 না শুখাতে মুখে তার সেই অশ্রুবারি
 হারায় বা প্রাণের কুমারে ।

বাবা ! বাবা ! আর বাবা মেলনা নয়ন
 ক্রমে সংজ্ঞা মিলাইয়া আসে,
 সময় বুঝিয়া নিশি অঁধারে মগন,
 যম আসি সেই গৃহে পশে ?

মায়ের প্রাণের ধন উঠরে সন্তান,
 তুমি দীপ অঁধার ভবনে ;
 আর উঠ ! ঘোরাচ্ছ হইতেছে জ্ঞান
 ক্রমে জ্বল পড়িছে নয়নে ।

উঠিল রোদন ধ্বনি ঘর কাটাইয়া ;
 বায়ু সেই ক্রন্দন বহিল ;
 দুই এক প্রতিবাসী করুণা করিয়া
 সেই গৃহে আসিয়া পৌঁছিল !

কেঁদ না, কেঁদ না হায় মাখে কিরে কাঁদে
 আর তার কি রহিল ভবে ?
 অকালে গ্রাসিল রাহ আজ তার চাঁদে
 কি সামুনা দেও তারে নবে ।

আছাড় পড়িল মাতা, বিচেতন হয়ে,
 হাহাকারে সে পাড়া কাঁপিল ;

প্রতিবাসী মৃত শিশু ভরা করি লয়ে,
শূন্যঘর রাখিয়া চলিল ।

মৃত শিশু যত যায় রোদনের ধ্বনি
সঙ্গে সঙ্গে যেন তথা যায় !
ঘরে ঘরে সেই রবে যতেক জননী
শিশু কোলে করে হায় হায় !

কাজ সারি যায় যেন সে কাল-বামিনী,
কেঁদে কেঁদে অবসন্ন প্রায় !
ভগ্ন ঘরে ধূলি' পরে লুপ্তিতা কামিনী,
প্রতিবাসী ধরিয়া বুঝায় ।

এক দিন দুই দিন ক্রমে ক্রমে গত,
আর যেন কাঁদিতে না পারে,
চক্ষু যেন অশ্রুপাতে হয়ে শক্তিহত
আর অশ্রু ফেরিবারে নারে ।

ভগ্ন কণ্ঠে গুণ গুণ রোদনের ধ্বনি,
জাগে শুধু রজনী দিবসে ;
ভগ্ন গৃহে ভগ্ন প্রাণে পড়িয়া রমণী,
যাপে দিন বিবাদে বিরসে ।

প্রকুল বদনে তার হাসি ছিল ভরা,
সেই হাসি যেন কে হরিল ;
কত আশা কত সুখে পূর্ণ ছিল ধরা
সেই ধরা অশান হইল ।

দিবসে অগ্নের তরে ভ্রমে নানা স্থানে,
 রাত্রি হলে কাঁদে আঁসি ঘরে ;
 নিন্দা করে রমণীর কঠিন পরাণে,
 পড়ে থাকে বিরস অন্তরে ।

একদিন কাঠুরিয়া আনিল পাড়ায়,
 হাতে মুগশাবক সুন্দর ;
 কেমন চটুল, কিবা চিত্র তার গায়,
 চক্ষু দুটি কিবা মনোহর ।

মূল্য দিয়া মুগশিশু কিনিল কামিনী,
 ভালবেসে লইল হৃদয়ে ;
 মৃত পুত্র যেন পুনঃ পেয়ে পাগলিনী
 লয়ে গেল আপন আলয়ে ।

পীযুষ পুরিত স্তন দিল তার মুখে,
 মুগশিশু মহানন্দে খায়,
 কোলে করি যেন নারী পাশরিল দুখে,
 দু কপোলে চুম্বিল তাহায় !

কড়ি গাঁথি গলে তার পরাইল হার,
 কচি তুণ যোগায় আদরে ;
 তারে “বাবা !” বলে ডাকে ; সদা সঙ্গে তার
 কথা কহে প্রফুল্ল অন্তরে ।

মুগশিশু পায় পায় ঘুরিয়া বেড়ায়,
 বম বম রবে সদা ছুটে,

জানুতে চরণ দিয়ে কভু বা দাঁড়ায়
স্তনপান করে কোলে উঠে ।

ছয় মাস গত ক্রমে বৌরন উদয়
হলো মৃগ দ্বিগুণ সুন্দর,
কিবা চক্ষু ! কিবা গতি ! সব মনোহর,
শৃঙ্গ রেখা মস্তক উপর ।

বাড়ীর বাহিরে যায়, বালকেরা তাড়ে,
খানা খন্দ লাফায়ে পালায় ;
প্রাচীর লজ্জিয়ে মৃগ মাতৃগৃহ পাড়ে
তিন লাফে আনিয়া দাঁড়ায় !

একদিন দিবা শেষে আসে না হরিণ,
আয় আয় করিছে জননী ;
সন্ধ্যা হলো ক্রমে মুখ হইল মলিন
নেত্র জলে ভাসিল রমণী !

জিজ্ঞাসে পথের লোকে কেহ নাহি জানে,
আয় আয় কেবল বদনে ।
বেড়ায় খুঁজিয়া তারে জঙ্গলে বাগানে
জল ধারা বহে ছুন্নয়নে ।

শেষে ঘরে ফিরে আসি কাঁদিছে বসিয়া
হেনকালে হুড় মুড় করি,
বেড়া ভাঙ্গি দুটি জন্তু আসিল ছুটিয়া
দেখি বলে উঠিল সুন্দরী ।

উঠে দেখে মৃগ বটে, পাইল পরাণ,
স্নেহ ভরে করে আলিঙ্গন ।

আলিঙ্গনে বাহু-যুগে জলের সমান,
কি লাগিল, ভিজিল বসন ।

কোলে করি ঘরে লয়ে দেখে সৰ্বনাশ,
রক্তধারা সর্কাজে তাহার ;
সৰ্কগাত্রে দংষ্ট্রাঘাত দেখে সুপ্রকাশ ;
দর দর রুধিরের ধার !

দেখে সে কাঁদিল কত কে বর্ণিতে পারে,
মৃগ কোলে কাটায় রজনী ।
সেই যে শুইল মৃগ উঠিবারে নারে,
কত সেবা করিল রমণী ।

কচি ঘাস আনি মুখে ধরে স্নেহভরে,
আর মৃগ খায় না সে ঘাস ;
ছুক্ষ আনি সযতনে মুখপানে ধরে
আর ছুক্ষে নাহি তার আশ ।

উঠে না অবোধ পশু পড়ি পড়ি স্বনে
বিষে দেহ হইছে জর্জর ।

সৰ্ক কৰ্ম্ম বিবর্জিত হয়ে কাছে বসে,
কাঁদে নারী ব্যাকুল অন্তর ।

ক্রমে মৃগ হস্তপদ প্রসারিয়া পড়ে
উলটিয়া সুন্দর নয়ন ;

ক্রমে স্থাস রুদ্ধ তার আর নাহি নড়ে,
ক্রমে তার মিলাল জীবন ।

হায় রে নারীর দশা কি হলো তখন,
বুঝিতে কি বাকি আছে আর ?
ফুরাল তাহার সুখ জনম মতন,
পাগল সে হলো এই বার ।

কচি ঘাস কচি পাতা, লইয়া যতনে,
পথে পথে ডাকিয়া বেড়ায় ।
ধূলা মাটি ফেলে মারে যত শিশুগণে,
'ক্ষেপী ক্ষেপী' বলিয়া ক্ষেপায় ।

রুদ্ধকেশ অনাহারে শীর্ণ জীর্ণ দেহ,
আয় আয় মুখেতে কেবল ।
কেহবা প্রহার করে, দয়া করি কেহ
গৃহে আনি দেয় অন্ন জল ।

আয় ! আয় ! মৃগ তার আর যে আসে না,
আশা কিন্তু নিরুত্তি না হয় ।
কভু ঘাস তোলে কভু পাতিয়া বিছানা,
বলে শোবে সঙ্ক্যার সময় ।

নিশি জাগে একাকিনী, বলে সে আসিলে
স্তন পান করাব যতনে ;
কোলে করি ঘুমাইব তাহারে লইয়ে
বলে কত বকে নিজ মনে ।

আসক্তি, বিরক্তি ও ভক্তি ।

জীবন প্রাস্তরে	শ্রান্ত কলেবর,
পান্থ কোন জন	বিষয় অন্তর,
একাকী বসিয়া	চিন্তায় মগন
ভাবে প্রাণ তুষা	কে করে বারণ !
হেনকালে তথা	আসক্তি সুন্দরী
দিল দরশন	বন আলো করি ।

আসক্তি ।

আসিল আসক্তি	চটুল-নয়না,
ঢল ঢল রূপে,	প্রসন্ন বদনা ;
মধুর অধরে	সুমধুর হাস ;
হাসি-সুধা-মাখা	সুললিত ভাষ ;
বিশাল নয়নে	আনন্দের আভা ;
পূর্ণিত কপোলে	উল্লাসের প্রভা !
ভাবের তরঙ্গে	যেন চিত দোলে,
হাসির তরঙ্গ	আরক্ত কপোলে ;
কমনীয় তনু	আধ আবরিত
সরম রাখিতে	আরো প্রকাশিত ;
কবরী ঢাকিতে	অনারত হৃদি !
সরমে বেহায়া	এ নূতন বিধি !

যৌবনের ভরে	কিবা সুশোভিত
যেন নব লতা	নব প্রস্ফুটিত ;
হাসিতে হাসিতে	হেলিয়া ছুলিয়া,
বসন অঞ্চল	ভূমে লোটাইয়া,
আসিল তরুণী	কাছে দাঁড়াইল ;
মদুর সম্ভাষে	বলিতে লাগিল ;—
‘নামেতে আনন্দি	গঙ্ধর্ব্ব-বুবতী
গঙ্ধর্ব্ব নগরে	করি হে বসতি ।
হিমাদ্রির কোলে	কৈলাসের তলে
গঙ্ধর্ব্ব নগর	খ্যাত ধরাতলে ;
ভুবনে অতুল	সে গঙ্ধর্ব্ব-ধাম,
আনন্দ-নিলয়	‘সুখ দুর্গ’ নাম ।
সুখদ বসন্ত	তথা চির কাল,
চির বিকসিত	তথা পুষ্প-জাল,
চির পিকরাজ	গাইছে সুস্বরে
চির পূর্ণ শশী	বিরহে অস্বরে ।
তথা বসি আমি	আনন্দে বিহরি,
মন্দাকিনী জলে	জল কেলি করি ।
মরাল সারস	হংসী সনে মেলি
নব সখী গণে	করি জল কেলি ;
সুছায় নিকুঞ্জে	পুষ্প শয্যা করি
দিবার উত্তাপ	সকলে পাশরি ।
প্রসন্ন সরসে	ভরি ভাসাইয়া
সব সখী মেলি	বেড়াই ভাসিয়া ;

সকল রঙ্গিণী মিলে গাই সারি
 পর্কতে পর্কতে প্রতিধ্বনি তারি !
 নানা রস রঙ্গে বিলাস-তরঙ্গে
 ভাসি দিবানিশি সহচরী সঙ্গে !
 রসিক সৃজন ! যাবে কি তথায়,
 চাও কি সে পুরী ? চাও কি আমায় ?
 হবে কি অতিথি আমাদের দেশে ?
 সাজাব তোমারে আমি রাজ বেশে,
 সুরম্য সদন রম্য উপবন,
 রম্য অশ্ব গজ সুরম্য শয়ন,
 মিলিবে সকল ; তথা রাজা তুমি
 শয্যার সজ্জিনী দাসী হব আমি ।
 করি অভিষেক প্রাণ সিংহাসনে,
 দাসী হয়ে রব তোমারি চরণে,
 বিলাস সামগ্রী শত সহচরী,
 যোগাইবে আমি দিবস-শর্করী ;
 রমণীর প্রেমে হয়ে সুরক্ষিত,
 রমণীর প্রেমে, হইরে নিদ্রিত,
 আনন্দ উল্লাসে কাটিবে সময়,
 যাইতে সে দেশে বাসনা কি হয় ?

পশ্চিক ।

নীরবিল বালা । সে বলে ;—‘সুন্দরি !
 আমি যার তরে দেশে দেশে ফিরি’

তব সুখ-দুর্গ নহে ত সে স্থান ;
 তাহে পিপাসিত নহে মোর প্রাণ ।
 যাও নিজ দেশে প্রসন্ন সরসে ;
 জল কেলি কর মনের হরষে ।
 মোর অন্য আশা, প্রাণ অন্য চায় ;
 তাহার উদ্দেশে চলি পুনরায় !

বিরক্তি ।

পলাল আসক্তি ; সুদীন-নয়না
 আসিল বিরক্তি বিষন্ন বদনা ;
 রুক্ষ রুক্ষ কেশ রুক্ষ রুক্ষ বেশ,
 শুষ্ক মুখে নাহি প্রসন্নতা-লেশ ;
 যৌবনে সোগিনী কমণ্ডলু করে,
 ঢাকিয়াছে রূপ গৈরিক অশ্বরে,
 বলয় ফেলিয়া রুদ্রাক্ষের মাল,
 কবরীর স্থানে রুক্ষ জটাজাল,
 বিভূতি-লেপিত রম্য কলেবর,
 ভস্মে আচ্ছাদিত শ্রীমুখ সুন্দর,
 আরক্ত বিশাল, বিস্তৃত নয়নে
 কি প্রশান্ত দৃষ্টি ! যেন দরশনে
 অনিত্য এ সৃষ্টি অনিত্য সংসার
 এই কথা শুধু করিছে প্রচার !
 উদাস উদাস নয়নের তার
 উদাস উদাস গম্ভীর স্বভাব ;

গৈরিকের চীর	মাত্র পরিধান,
তথাপি সন্ত্রমে	চমকিত প্রাণ ;
পদার্পণে ভক্তি	রসের সঞ্চার
নিমেষে চাঞ্চল্য	করে পরিহার !
আসি দাঁড়াইল	গস্তীর প্রকৃতি,
চমকিল প্রাণ	উপজিল ভীতি ।
কতক্ষণে বলে,	*কে হে পান্থবর !
একাকী বসিয়া	বিরস-অন্তর,
এস মোর সনে	কি ছার সংসার,
পৃথিবীর ধূলি	সকলি অসার !
অনিত্য উদর	পুরিবার আশে,
কেন রথা ফের	হেন দেশে দেশে,
ধূলি মুষ্টি খেয়ে	যে উদর পুরে
তার তরে কেন	মরিতেছ ঘুরে ?
সংসারের সুখ	ইন্দ্রিয়ের সেবা,
এ সকলে সুখী	হইয়াছে কেবা ?
সব বিড়ম্বা	সব ঘোর মায়া,
অপদার্থ সব	অবাস্তব ছায়া ।
এস মোর সনে	গৃহ পরিহারি
এস পুণ্যোদ্দেশে	তীর্থ যাত্রা করি ।
পথশ্রান্ত হলে	পড়ি তরুতলে
লভিবে শ্রিত্রাণ,	বন ফুল কলে,
উদর পুরিবে,	নির্ঝরের জল
পিয়ে শ্রমতৃষা	করিবে শীতল ।

পুরুষ রমণী যদিও উভয়ে,
 রব এক সনে পবিত্র-হৃদয়ে ।
 ইন্দ্রিয় সংহার বৈরাগ্য আচার,
 জাননা ত পাম্র কত সুখ তার,
 রিপূর দমন ঘোর ষিড়্ধনা,
 রিপূর বিনাশ প্রকৃষ্ট সাধনা ।
 দেহ মন সুখ পদতলে দলি,
 সংসারের পাশ ছিঁড়ে এস চলি ।
 ধন পুত্র জায়া কর তুচ্ছ জ্ঞান,
 এ সব হৃদয়ে দিওনাক স্থান ।
 মোর সনে সুখে যাইবে সময়,
 বলহে আসিতে বাসনা কি হয় ?

পথিক ।

খামিল যোগিনী ; সে বলিল সতি !
 যার তরে মোর দেশে দেশে গতি,
 তব ধর্ম-পথ নহেত সে স্থান,
 তাহেঁ পিপাসিত নহে মোর প্রাণ,
 মোর অন্য আশা প্রাণ অন্য চায়
 তাহার উদ্দেশে চলি পুনরায় !

ভক্তি ।

অবশেষে ভক্তি দিলা দরশন,
 প্রসন্ন মুখর পবিত্র বচন ।

পবিত্রতা প্রেম শান্তি একসনে
 মিশায় জড়িত যেন ছুনয়নে !
 স্বচ্ছ রূপ-শোভা উদার প্রকৃতি
 প্রসন্ন কপোলে আনন্দের জ্যোতি !
 শারদ চন্দ্রিকা সম কান্তি তার,
 দেখে মুগ্ধ অঁখি দেখে বার বার !
 মুখ চন্দ্র দেখে, হৃদয় জুড়ায়,
 সুন্দর স্বভাবে পর ভাব যায়,
 বয়সে যৌবন নাহি চঞ্চলতা ;
 প্রসন্ন গম্ভীর ভাবে মধুরতা,
 বিনীত ভাষিণী বিনীত হাসিনী,
 বিনয় সঙ্কোচে সুধীর গামিনী,
 আবির্ভাবে দিক পবিত্রতাময় ;
 লাজে লুক্কায়িত যেন রিপুচয় ;
 শরম বিভ্রমে সঙ্কুচিতা হয়ে,
 কাছে দাঁড়াইয়া বলিলা বিনয়ে,
 বর্ণে বর্ণে যেন অমৃত বর্ষিল,
 বর্ণে বর্ণে প্রাণ জাগিতে লাগিল ;
 বলে ;—পান্থবর ! কর অবধান,
 বুঝেছি যে জন্য পিপাসিত প্রাণ,
 আমি দেব-কন্যা ভক্তি নাম ধরি,
 'কৈলাস-শিখরে সদা বাস করি ।
 পিতা 'তত্ত্বজ্ঞান' জননী 'সাধনা'
 সহচরী মোর ভগ্নী 'আরাধ্যা'

দেবের বাঞ্ছিত রম্য সেই ধাম
 চির শোভাময় 'মোক্ষ-দুর্গ নাম,'
 জাতি ধর্ম নাই, নাহি আত্মপর,
 নাহি স্বার্থ-চিন্তা, সেবা পরস্পর,
 নর নারী সবে ভাই ভগ্নী মত,
 পরস্পরে সুখী করে অবিরত ;
 ভাল বাসা দিয়ে জুড়ায় হৃদয়,
 এক প্রাণ স্রোত অন্ত প্রাণে বয় ;
 প্রাণ ব্রহ্ম পদে হস্ত কাজে তাঁর
 এইরূপে দিন কাটিছে সবার ;
 যুগে যুগে সাধু জন্মেছেন যত
 দেখিবে সেখানে সবে একত্রিত ;
 কি বর্ণিব, দেখে ভুলিবে হৃদয়,
 যাইতে সে দেশে বাসনা কি হয় ?

পথিক ।

শুনিয়া পথিক উঠি দাঁড়াইল
 কর ঘোড় করি বলিতে লাগিল ।
 ওগো দেব-কন্যে ! কি শুনিব আর
 প্রাণের পিপাসা গেল এই বার !
 পিপাসিত প্রাণ চল দ্বরা করে
 তব সনে যাই সে গিরি-শিখরে
 সেই মোক্ষ-দুর্গ মম প্রিয় স্থান,
 করিয়া বেড়াই তাহারি সন্ধান,

প্রাণ তাই চায় তব রূপ। বলে
আমার দুর্দিন গেল বুঝি চলে ।

ব্রহ্মবিদ্যা ।

১

হত রত্নাসুর ; আজ বৈজয়ন্ত ধামে
ধরেনা আনন্দ ; যত দিকপালগণ
মিলেছেন এক স্থানে ; দানব-সংগ্রামে
নিজ নিজ কীর্তিকথা করেন কীর্তন ;
অউহাস্য প্রতিধ্বনি কৈলাস কন্দরে ;
নাচে রস্তা, গায় গীত গন্ধর্ব্ব কিম্বরে ।

২

ঘর্ঘর গরজে ঘোর আবর্ত পুঙ্কর,
গগণ ফাটায়ে বজ্র করে ছছকার,
ঐরাবত ধরি টানে কৈলাস শিখর,
আনন্দে বিহ্বল আজ ত্রিদিব সংসার !
গভীর দুন্দুভিনাদ বহে মন্দাকিনী
সংশয় বিন্ময় ভয়ে কম্পিতা মেদিনী ।

৩

বায়ু অগ্নি দুই সখা মিলি এক সনে
নৃত্য করে, উল্কারাশি গগণে ছুটিছে,

বীর দর্পে প্রভঞ্জন, ভূধরে, কাননে,
সিন্ধু-গর্ভে, জনস্থানে আনন্দে লুটিছে ।
লক্ লক্ রক্ত জিহ্বা প্রসারি অনল,
সখাসনে আলিঙ্গনে আনন্দে বিহ্বল ।

৪

এদিকে বরুণ-গৃহে ঘোর সিন্ধুনীর
আজ্ঞা পেয়ে দশদিকে আজ প্রবাহিত ;
উত্তাল তরঙ্গ বাহু প্রসারিয়া বীর
সিন্ধু, আজ কূলে কূলে যেন উপনীত
দানব দলন বার্তা করিতে প্রচার !
বায়ু সঙ্গে মহারঙ্গে হয় আগুনার ।

৫

এরূপে বিহ্বল দেব, হেন কালে দেখি
ও কি জ্যোতি নিরুপম প্রচণ্ড করাল !
চকিত বিস্মিত যাহা অমরে নিরখি,
আলোকে ভুবন ভরি শোভে দীপ্তি-জাল ;
পুণ্যভাতি দেখে চিত্ত পাইছে আশ্বাস,
তবু পাশে যেতে প্রাণে উপজে সন্ত্রাস ।

৬

দীপ্তি দেখি দেবগণ ডুবিল বিস্ময়ে,
বলে, বহি ! যাও দেখি এস নিরুপিয়া ।
অগ্রসর বৈখানর, জিজ্ঞাসে সভয়ে,
'কে দেব ! এদীপ্তি বাসী ?—দিক্ কাঁপাইয়া,

গম্ভীর নিরাদে প্রশ্ন সে তেজে নিঃসরে,
‘কে তুমি অমর ! পূর্বে কহ তা আমারে ।

৭

অগ্নি বলে, আমি অগ্নি, আমি বৈশ্বানর,
সর্বব্যাপী, সর্বভুক । ‘কি শক্তি তোমার ?’
কি শক্তি ! শুষিতে পারি নিমেষে নাগর
দেখিলে রসনা মোর কাঁপে ত্রিসংসার,
কটাক্ষে নক্ষত্রপাত ! বিদ্যাতে বিহরি,
নাগর তরঙ্গে আমি সুখে নৃত্য করি ।

৮

হে অগ্নি ! হে বৈশ্বানর ! বলে তেজারোশি,
হে অমর মহাতেজা ! এই ক্ষুদ্র তুণে
ভস্ম কর । শুনে বহি বদন বিকাশি,
ধক্ ধক্ লোল জিহ্বা উড়ায়ে গগণে,
ধরে তুণে, তুণ দেহ না হয় দহন ;
সংহরে রসনা বহি বিষম-বদন ।

৯

সে কি ! বহি । সর্বভুক তুমি না জগতে,
যাও ফিরে ডেকে দেও আর কোন দেবে ॥
অভিমাণে চলে বহি ডাকিতে মারুতে ।
‘ধায় বায়ু কম্পাঙ্কিত ভূতল ত্রিদিবে ;
গম, গম পদাঘাতে ভয় ভূপঞ্জর,
আকুল উত্তাল সিন্ধু, ছলিছে ভূধর ॥

১০

‘কে অমর ঘোর বেগে এস ছুঁছকারি ?’
আমি বায়ু, মাতরিখা, আমি সদাগতি,
কি শক্তি ? ব্রহ্মাণ্ড আমি চূর্ণিবারে পারি,
ছিড়ি হিমাদ্রির মাথা, তটিনীর গতি
রোধ করি, পদাঘাতে তুলিয়ে সাগরে,
নিমেষে ভাসাতে পারি লক্ষ লক্ষ নরে ।

১১

‘হে বায়ু ! হে মাতরিখা, হে দেব দুর্জয় !
উড়াও এ ভূণে’ । বায়ু গর্জি ঘনে ঘন,
তালুঠকি গিরি-পৃষ্ঠে হইয়া নির্ভয়,
আক্রমিলা ভূণ দেহে ; রুখা আক্রমণ !
কেশ মাত্র নাহি চলে ! বিহীন শক্তি
বিস্ময় লজ্জায় ধীরে ফিরে সদাগতি ।

১২

আসিলা বরুণ এবে তরঙ্গে চড়িয়া,
ছহ রবে ধার জল পর্কত সমান !
‘দাঁড়াও, কে ভুমি দেব আসিছ ধাইয়া ?’
আমি হে প্রচেতা, পাশী জান দীপ্তিমান ।
কি শক্তি ? ধরণী আমি ভাসাইতে পারি,
লক্ষ গৃহ লক্ষ জীব লক্ষ নরনারী ।

১৩

হে প্রচেতাঃ ! হে বরুণ ! হে তরঙ্গ-পতি !
ভাসাও এ ভূণে । পাশী ধাইলা গর্জিয়া ।

বস্ বস বুঝিয়াছি রোধ কর গতি,
 দেখ ভূঞ কেশ মাত্র না যায় ভাসিয়া !
 একি ! ভাবি অপমানে তরঙ্গ সংহারি,
 ফিরিলা প্রচেতা, ধীরে সঙ্গে বহে বারি ।

১৪

অবশেষে কাল দণ্ড ধরি ঘোর করে,
 মহিষে দিলেন বার দেব ধর্মরাজ ;
 কে তুমি ? কে আমি তাহা জিজ্ঞাস সংসারে ।
 আমি কাল, দণ্ডধর । ‘তোমার কি কাজ ?’
 সময় দেখিলে জীব লৌহ করে ধরি,
 দেখিতে দেখিতে আমি অদর্শন করি ।

১৫

নর রাজ্যে হাহাকার মোর পদার্পণে ;
 ছাড়ায় আমার দণ্ড নহে সাধ্য কার,
 পাপীর নরক শাস্তি আমার ভবনে,
 দোষিগণ প্রতাপে মোর বিষম সংসার ;
 কারু আশা চূর্ণ করি, অমৃত কাহার
 বিষ ঢালি, গৃহ করি শ্মশান আকার ।

১৬

হেবীর ! হে দণ্ডধর ! ওই দণ্ডাঘাতে
 ভাঙ্গ ভূঞে । মহাকাল রুষি দণ্ড হানে,
 পড়ে দণ্ড ভূঞ দেহে ; ভাঙিবে কি, তাতে
 রেখা মাত্র নাহি সরে ; কাল অপমানে

কালী হয়ে, পুন চড়ে মহিম বাহনে,
ফিরে যায় ; হাসে দেব জ্যোতিঃ আবরণে ।

১৭

শেষে ঐরাবতে বার দিলা সুরপতি,
অঙ্কুশ প্রহারে রুষি ঘর্ঘরে কুঞ্জর !
পুষ্কর আবর্ত আদি চলিলা সংহতি,
সুমঙ্গ ধানিতে পূর্ণ ব্রহ্মাণ্ড-কন্দর ।
বজ্রের উজ্জ্বল দীপ্তি গগনে গগনে,
তাড়িত পতাকা পৃষ্ঠে উড়িছে পবনে ।

১৮

কে তুমি হে দেব-শ্রেষ্ঠ ? আমি সুরেশ্বর,
আমি বজ্রী । কি শক্তি ? এই যে অশনি,
করে ধরি, যদি হানি চূর্ণিত ভুধর,
যাহে পড়ে তাই দক্ষ হইবে তখনি ;
ব্রত হত এই বজ্রে, এবজ্র আলোকে,
নিভাই সকল আভা, সংহারি পলকে ।

১৯

হে বজ্রি ! হে দেবরাজ ! এ ত্বণ শরীরে
হান বজ্র ; বজ্র বাণ হানে পুরন্দর ;
গগণ ফাটিয়া যেন যায় শত চিরে ;
বাক্যায় সময় ডকা আবর্ত পুষ্কর ?
ঘোর দীপ্তি দেখে চক্ষু নুদে ত্রিনংসার ,
কঠোর নিনাদে কর্ণ বধির সবার ।

২০

কিন্তু এই ক্ষুদ্র তুণ নহে বিচলিত,
কিহে বজ্রি ! অভিমানে ল্লান সুরেশ্বর,
ফিরিলা দেবতাগণ যেখানে মিলিত ;
মন্ত্রণা করিলা সবে-চল অতঃপর
স্তুতি করি ; মহাজ্যোতি দেখিলা এমন,
দেবের অগম্য এ কে ? বলে কোন জন ।

২১

আসি দেখে দেবগণ জ্যোতি অন্তর্হিত,
তার স্থানে একি দৃশ্য মোহন সুন্দর !
অপূর্ব ললনা এক তথা বিরাজিত ;
প্রসন্ন নির্মল মুখে স্নিত মনোহর ;
লাবণ্যে জড়িত পুণ্য ! প্রফুল্ল আননে
আনন্দ তরঙ্গ ধারা বহে ক্ষণে ক্ষণে ।

২২

বিশাল নয়নযুগে প্রীতি পবিত্রতা
একত্র মিশ্রিত যেন ! সে দৃষ্টি সরল,
হাব নাই ভাব নাই, সহজ নম্রতা,
সুন্দর-আনন-জ্যোতি সুস্নিগ্ধ শীতল ।
আলোক মণ্ডল যেন ঘেরে সে মাধুরী,
রূপের বিভায় পূর্ণ বৈজয়ন্ত পুরী ।

২৩

করযুড়ি জানুপাতি বসি সুরেশ্বর
স্তুতি আরম্ভিলা ;—বল কেতুমি ললনে ?

বলে বালা,—স্তুতি কেন কর পুরন্দর ।
ব্রহ্মবিদ্যা নামে আমি বিদিতা ভুবনে ।
অবোধে স্মৃতি দান শুধু মোর কাজ,
বলি শুন অবধান কর দেবরাজ ।

২৪

যে অপূর্ণ জ্যোতি-দেহ দেখেছ এখানে,
ব্রহ্মদীপ্তি বলে জেন ; রত্নবধ করি,
আপন গৌরব সবে আপনি বাখানে,
অহঙ্কারে, দেখি দেব দীপ্তিরূপ ধরি
প্রকাশিলা, দর্পহারী দর্প চূর্ণিবারে,
কার বলে বলী তাহা দেখাতে সবারে ।

২৫

হে বজ্রি ! বজ্রের তব কি থাকে শক্তি,
শক্তিদাতা শক্তি যদি করেন সংহার ?
বুঝিলে ত ! আসি তবে, আর সুরপতি
পড়োনা এমন ভ্রমে ; জানিও যাহার
যাহা কিছু শক্তি, তব তাঁরি অনুগ্রহ,
কে রাখে কে রাখে তিনি করিলে নিগ্রহ ।

২৬

আসি তবে আসি তবে বলিতে বলিতে
ওই মিলাইয়া গেল সেরূপ মাধুরী ।
অবাক অমর কুল ভাবিতে ভাবিতে
ফিরিল বিনীতভাবে বৈজয়ন্তপুরী ;
কবি বলে ব্রহ্মবিদ্যে ! বলে যাও মোরে,
আমি তবে কোন কীট বিপুল সংসারে ।

চাতক বিদায় ।

(১)

পরম আদরে সুন্দর পিঞ্জরে,
 পুষিয়াছি পাখি ! ডাক্ একবার !
শুনিয়া সুস্বর জুড়াক্ অন্তর,
বহুক শ্রবণে অমৃতের ধার ;
নির্মল গগনে উড়িতে উড়িতে,
নির্কোষ বিহঙ্গ যে গীত গাইতে,
কোথা সে লহরী ? জড় ভাব ধরি
 দিবা বিভাবরী কি ভাবিস্ বন্,
চাতক বলিল ;—দে জন্ দে জন্ ।

(২)

সে কিরে বিহঙ্গ একি তোর রঙ্গ,
মধুর পানীয়ে পাত্র পূর্ণ তোর ;
তবু কি পিপাসা ? একিরে দুর্দশা ?
একি বিড়ম্বনা রে চাতক ঘোর ?
শোন্ ওরে পাখি ! আমি এ সংসারে
বহু দুঃখ কষ্টে আছি প্রাণে মরে,
মধুর সুস্বরে জুড়াবি অন্তরে
বলিয়া এনেছি অন্য বুলি বন্,
চাতক বলিল ;—দে জন্ দে জন্ ।

(৩)

বল শুনি পাখি ! তোরে কিরে রাখি,
এই ছাই স্বর শুনিবার তরে ;
নির্মল আকাশে উষার প্রকাশে
বেড়াতে কি পাখি ! এই গান ধরে ?
না পুষিতে নিজেকে গাইতে সুন্দর ।
থাকিয়া যতনে বিরূত সুস্বর,
প্রাণের বেদনা পাখি ত জাননা,
তাই শুষ্ক বুলি বলিস্ কেবল,
চাতক বলিল,—দে জল দে জল !

(৪)

বস্ বস্ পাখি ! এত সুখে থাকি
কাঁদিস কি লাগি তাই ভেঙে বল ?
সুভোজ্য সুপেয়, কিদোষেতে হয়
করিয়া বিহঙ্গ হলি রে চঞ্চল !
প্রসন্ন সলিলা স্রোতস্বতী হতে,
আনিলাম বারি তৃপ্ত নও তাতে,
বারি বিন্দু কবে দিবে জলধর,
তারি পথ চাহি ব্যাকুল অন্তর,
বারণ মাননা না শুন সান্ত্বনা,
শূন্য শূন্য মনে কাঁদিস্ কেবল,
চাতক বলিল—দেজল দেজল ।

(৫)

ফের ওই বুলি দিব দ্বার খুলি
যারে পাখী তোরা যথা ইচ্ছা হয় ।

বুঝিনু অন্তরে মানবের ঘরে
 স্বর্গ স্মৃতে বাস তোরে স্মৃত নয় ;
 সকালে বিকালে গগণে উঠিয়া,
 জলদের পাশে বিনয় করিয়া,
 জল বিন্দু তরে কাঁদবি কাতরে,
 জাতি ধর্ম যার কে খণ্ডাবে বল,
 চাতক বলিল—দেজল দেজল !

উন্মাদিনী ।

স্বপনে দেখিনু যেন ঘোর সিঙ্কুনীরে
 তরি আরোহণে ভাসি ; নিশীথ সমীরে
 নারীর কোমল কণ্ঠে রোদনের ধ্বনি
 বহে আসে ; যেন কর্ণে সেই রব শুনি
 দাঁড়াইনু তরি পৃষ্ঠে । চারিদিকে চাই,
 অঁধারে নিমগ্ন ধরা, না দেখিতে পাই,
 জল স্থল ; শুধু সেই হৃদয়-বিদারি
 করুণ বিলাপ-ধ্বনি চৌদিকে সঞ্চারি,
 নিশার নিশ্বাস দেয় শোকে মাথাইয়া !
 উত্তরিনু তরি হতে কূলে দাঁড়াইয়া
 চেয়ে দেখি, কিছু দূরে অলিছে অমল,
 ধিকি ধিকি ! যাই, কিন্তু হৃদয় চঞ্চল

সংশয়ে বিস্ময়ে ভয়ে । নিঃশব্দ চরণে
 কিছু দূর গিয়া যাহা দেখি নু নয়নে,
 অপরূপ, একি দৃশ্য ভাবিয়া বিস্ময়ে
 রহিলাম ক্ষণকাল হতবুদ্ধি হয়ে ।
 একি দৃশ্য ! একে ? বালা রূপের আভায়
 যেন আলো করে দিক ! তরুর গায়
 রাখি পৃষ্ঠ, দুই হস্ত রাখিয়া হৃদয়ে,
 এলোকেশী ভাবে যেন চিত্রাৰ্পিতা হয়ে ।
 কি রূপ মাধুরী মরি ! কাহার নন্দিনী
 কেন হেথা এ বিজনে কাঁদে একাকিনী ।
 যাই কাছে, মনে ভাবি, দেবযোনি ভ্রমে
 কাঁপে প্রাণ, পদদ্বয় উঠে না সন্ত্রমে ।
 হেন কালে পুনরায় সেই আৰ্ত্ত ধ্বনি !
 হাহাকারে পূর্ণ দিক, কম্পিতা ধরণী !
 বলে বালা,—‘কোথা আছ মোর প্রাণেশ্বর !
 দেখা দেও, এই ঘোর অপার সাগর,
 এ ঘোর অঁধার নাথ ! নেত্র আবরিয়া
 রাখিয়াছে ; প্রাণকান্ত ! কোথা লুকাইয়া
 রহিলে হে এর মাঝে ? দেখি দেখি দেখি
 আবার মিলাও শূন্যে ; অঁধারে নিরখি,
 দেখি দেখি আলো যেন আবার অঁধার,
 একি খেলা খেল হৃদি-বল্লভ আমার ?
 গোপনে বারেক দেখা দিয়া লুকাইলে
 উঠে ধরিবারে ধাই ভূধরে, সলিলে,

মহারণ্যে, লোকালয়ে, বিজন প্রান্তরে,
 কোথা প্রাণেশ্বর বলে কাঁদি উচ্চস্বরে ।
 সমীপে অপার নিকু চৌদিকে আঁধার,
 কে দিবে আমারে নাথ ! উদ্দেশ তোমার ?
 কি হবে আমার হায় আমি ভিকারিণী
 ধীর তরে, কোথা তিনি বলগো যামিনি !
 বল না সাগর ! ওরে দক্ষিণ মলয় !
 তুই কি পারিস দিতে তাঁর পরিচয় ?
 অগ্নি তুমি থাকি থাকি জ্বলিছ নিবিছ,
 তুমি বুঝি তাঁরে জানি আনন্দে নাচিছ !
 এই যে—এই যে—হা হা পেয়েছি ! পেয়েছি
 প্রাণ সখা ! এইবার ধরেছি ধরেছি ।”
 বলি বালা শূন্য করে গাড় আলিঙ্গন ;
 আবার কাঁদিয়া বলে,—“কোথা প্রাণধন !”
 দেখিতে দেখিতে অশ্রু ঝরিল আমার ;
 বুঝিলাম উন্মাদিনী । নিকটে তাহার
 গিয়া দেখি পুনরায় স্তম্ভিতের প্রায়
 দাঁড়াইয়া এক দৃষ্টে । জিজ্ঞাসি, সুন্দরি !
 কে তুমি একাকী হেথা বন আলো করি ?
 কারে চাও ? কার তরে কাঁদলো ললনে !
 কার তরে ভিকারিণী এনব যৌবনে ?
 শূন্য শূন্য দৃষ্টে বালা চাহি মুখ পানে,
 বলে—“তুমি কেহে বন্ধু ! প্রাণ-সখা সনে
 হয়েছে কি পরিচয় ?”—শুন বরাননে !

কে তোমার প্রাণ-সখা ?—অমনি কাঁদিল,
 অমনি বিশাল আঁখি, শোকেতে মুদিল ?
 “ওরে আমি কিসে দিব তাঁর পরিচয়,
 জানি না ত নাম ধাম ; কেবল হৃদয়
 চায় তাঁরে এই জানি ।” শুনলো সরলে ।
 কোথা তিনি যাঁর তরে ভাস নেত্র জলে ?
 “ওই যে ওই যে—হা হা ! এস প্রাণেশ্বর !
 হাসিতেছ কি ভাবিয়া ? কে বলে দুস্তর
 গিল্লু তুই, নিশা তুই কে বলে আঁধার !
 ঐ দেখ রূপ রাশি করিয়া বিস্তার,
 হৃদয় বল্লভ মোর আসি উতরিল !”
 বলিয়া আবার বালা হৃদয়ে চাপিল ।
 শূন্য দৃষ্টি পুনঃ স্থির পড়িল ধরায় ;
 তরু পৃষ্ঠে রাখি পৃষ্ঠ পুতলীর প্রায় !
 ভাবিলাম একি কাণ্ড ! নাহি পরিচয়,
 না জেনে কাহারে বালা নঁপিল হৃদয় !
 শূন্য সনে প্রেমালাপ, শূন্যে আলিঙ্গন,
 শূন্যে হারাইয়া শূন্যে করিছে ক্রন্দন !
 ভাবিতেছি ; পুনরায় আঁখি ইন্দীবর
 মেলি বালা বলে,—“ওহে পরম সুন্দর !
 ওহে প্রাণারাম ! দাসী ব্যাকুল অন্তর
 পারে না কাঁদিতে আর ; ভুধরে কাননে
 পারে না ভ্রমিতে আর দুর্কল চরণে ।
 দেখা দাও, ধরা দাও, দাও পরিচয়,

হৃদয়-বল্লভ ! আমি বুড়াই হৃদয় ।”
 হায় রে ! সে আৰ্ত্তনাদ শুনে কি পরাণে
 থাকে কিছু ! ভাবিলাম যাই বন্ধ পানে
 খুজে আনি কোথা আছে প্রাণেশ্বর তার ;
 এ হেন যাতনা প্রাণে সহেনা যে আর !
 বলিলাম, হে ললনে ! রোদন সম্বর,
 বলে দাও, কোন পথে তব প্রাণেশ্বর
 গিয়াছেন, যাই আমি অশেষি তাঁহারে ;
 হৃদয়ের ধন আনি দিবলো তোমাতে ।
 “ওগো সে কি ধরা দিবে, ওই দিক্‌ পাবে
 চলি গেল ; ওই ওই মিশাল আঁধারে ;
 ওই জলে, ওই স্থলে, ওই ঘোর বনে,
 এই কাছে, ওই দূরে, ধরগো যতনে
 ধর,—আমি ধরি, হা হা ধরিয়াছি,
 এবার কি হবে নাথ ! প্রাণে পুরিয়াছি !”
 বলিয়া উন্মাদ বাল্য হইল আবার
 শূন্যে আলিঙ্গন করি আনন্দ অপার ।
 আবার স্তিমিত আঁখি, আবার নিশ্চল,
 ছুই গণ্ডে দুটি ধারা বহিল কেবল ।
 ভাবিলাম কি বিপত্তি ! ঘোর উদ্‌গনি !
 চক্ৰ খুলে বলে বাল্য—“এমন করিয়া
 কঁাদাতে কি হয় প্রভু ! এরূপে আনিয়া
 অনন্ত সাগর তীরে ফেলিয়া আঁধারে,
 লুকাতে কি আছে নাথ ! ভাবি ভুলিবারে,

ভুলিতে দিলে না ; মোরে করে পাগলিনী
 কাঁদালে ; তোমার তরে আমি ভিকারিণী ।”
 বলিলাম, শুন শুভে যদি নাম তাঁর
 নাহি জান, বল দেখি কি রূপ আকার,
 কি প্রকৃতি । বলে বাল্য—“হায়রে কেমনে
 বর্ণিব সেরূপ আমি দেখিনি নয়নে
 হেন শোভা । কি উজ্জ্বল কেমন পবিত্র,
 কেমন মধুর স্নিগ্ধ অপরূপ চিত্র,
 সুপ্রসন্ন, সদানন্দ, প্রেমিক সৃজন,
 প্রীতি পবিত্রতা পূর্ণ সুন্দর বদন,
 স্মরণে উন্নত চিত্ত, পিপাসিত প্রাণ
 সুস্নিগ্ধ সৌন্দর্য্য হৃদে করিবারে স্মান ।
 পদার্পণে সুবাতাস বহে চারি ধারে
 পলায় অঁধার যেন দেখিলে তাঁহারে ।
 শোন পান্থ প্রাণকান্ত যিনি রে আমার,
 রূপে লোকাতীত, গুণে সৰ্ব্বগুণাধার !
 কোথা তিনি কি বলিব ? যেন রে মিশায়ে
 চরাচরে ; যেন দেখি আছেন লুকায়ে
 জলে, স্থলে, ওই শূন্যে, গভীর অঁধারে,
 নিহুনারে !—ওই ! ওই !—তাজোনা আমারে,
 যেও না ফেলিয়া একা ! ধরি—ধরি—ধরি ।”
 বলিয়া সাগর পানে ছুটিল সুন্দরী ।
 ব্রহ্মব্যস্তে নিবারিতে ঘাইব যেমন,
 অমনি ভাঙিল নিদ্রা গেল সে স্বপন ।

জেগে ভাবি জীবাত্মার গতি এসংসারে
 এইরূপ ; এইরূপ অজ্ঞান আঁধারে
 চির মগ্ন ; এইরূপ আদি অন্ত তার
 নীহারে জড়িত ; জীব ভবে এ প্রকার
 সিন্ধু কূলে, সে অদৃশ্য জগতের পাশে
 দাঁড়াইয়া কঁাদিতেছে যে ধনের আশে
 কোথা তিনি ? জ্ঞান বুদ্ধি সব পরাহত,
 সে চিন্তায় ; তবু প্রাণ চায় অবিরত
 সেই ধনে ; তবু চক্ষু সদা ভাল বাসে
 থাকিতে অদৃশ্য দেশে ; তবু সিন্ধু পাশে
 আলিয়া বিশ্বাস বহি করে জাগরণ,
 সদা জীব । নীচ দৃষ্টি বিষয়ী যে জন
 দেখে সে বিশ্বয়ে ডোবে ; বাহু প্রসারিয়া
 দেখে সে কঁাদিছে লোক শূন্যে আলিঙ্গিয়া ;
 দেখে সে শূন্যের সনে করিয়া প্রণয়,
 শূন্যে সম্ভাষিছে লোক । তাহার হৃদয়
 জানে কি রে শূন্য পূর্ণ হয় যে কেমনে !
 সে কি বুঝে, কি মাধুরী দেখে ভক্তজনে
 কভু হাসে, কভু ভালে নয়ন আসারে,
 কভু বা বিচ্ছেদে প্রাণ পূর্ণ হাহাকারে ?
 কবি বলে,—ওহে দেব ! ওহে প্রাণারাম ।
 প্রাণ বন্ধু ! প্রাণ-সখা ! নিরাকার নাম
 কে দিয়াছে ? দেখি না ত হেন নিরাকার,
 জীবের হৃদয় কাড়া নিত্য কর্ম্ম বার !

তুমি নাকি রস ? তৃপ্তি দেও আশ্বাদনে ?
 তুমি নাকি রূপ রাশি ? প্রেম আলিঙ্গনে
 বাঁধা নাকি পড় তুমি ? ওহে নিরঞ্জন !
 তুমি নাকি পাপ দঙ্ক চক্ষের অঞ্জন ?
 প্রাণের চন্দন তুমি, দেহের চন্দ্রিকা !
 সংসার বিষাক্ত নেত্রে অমৃত তুলিকা !
 কর্ণের স্রস্বর তুমি, নাসার স্রুঙ্গাণ,
 অবসন্ন দেহ মনে তুমি না কি প্রাণ ?
 তাই বটে, তাই হও প্রেমিক-বৎসল !
 তাই হও এই ভিক্ষা কবির কেবল ।
